



明
經 82
卷 3



傷寒證治準繩帙之三

金壇王肯堂輯 門人南昌張 綽校

陽明病 胃實不大便 自汗 不得卧 潮熱

譫語 狂亂 循衣摸牀 渴 嘔 乾嘔

黃陽明之為病胃家實是也謂之正陽陽明屬下證輕則大柴胡重則大小承氣此邪自陽明經傳入府者經曰陽明病脈遲雖汗出不惡寒者其身必重短氣腹滿有潮熱者此欲解可攻裏也手足濇然汗出者此是大便已鞭也大承氣主之若汗多微發熱惡寒者外未解也其熱不潮未可與承氣湯若腹滿不通者可與小承



傷寒論卷之五
氣湯微和胃氣勿令大泄下謂陽明亦有在經者未全
入府猶宜解外縱有大滿大府不通亦不過小承氣微
下之入胃在經猶宜兩審也其陽明一證少有自病多
因太陽傳入兼與太陽陽明合病用葛根湯者是也少
陽陽明合病用黃芩芍藥湯者是也自少陽傳入陽明
及未合併病者亦然
陽明經治法有汗吐下溫和解刺

汗

桂枝湯

麻黃湯

五苓散

此亦作
五苓散

麻黃連軹赤小豆湯

吐

梔子豉湯

下

調胃承氣湯

大承氣湯

抵當湯

麻仁丸

茵陳蒿湯

小承氣湯

溫

吳茱萸湯

四逆湯

和解

白虎湯

白虎加人參湯

猪苓湯

小柴胡湯

蜜導煎

猪膽汁

土瓜根

梔子檨皮湯

刺

熱入血室刺期門

問曰病有大陽陽明有正陽陽明有少陽陽明何謂也
 答曰太陽陽明者脾約是也經曰跌陽脈浮而濇浮則胃氣強濇則小便數浮濇相搏大便則難其脾為約麻仁丸主之大陽病三正日發汗不解蒸蒸發熱者屬胃也調胃承氣湯主之正陽陽明者胃家實是也少陽陽明者發汗利小便已胃中燥煩熱大便難是也宜小承氣湯微瀉之蓋少陽復入太陽經酒洗入陽明經病之高下全在酒之多少以引之耳又按太陽陽明正陽陽明承氣湯中俱用酒浸惟少陽陽明為下經故小承氣湯中不用酒浸也以此推之則太陽陽明當用調胃承氣湯蓋以調胃承氣既

附在太陽篇中而大黃下註曰酒浸正陽陽明當用大承氣其大黃註曰酒洗少陽陽明當用小承氣湯不惟大黃不用酒浸洗而少陽禁汗下故去芒硝之峻劑而用當少與之也書此以駁成氏之誤又須識太陽陽明脾約在少陽陽明又可大柴胡問曰何緣得陽明病胡也又有說在不大便之條

答曰太陽病發汗若下若利小便此亡津液胃中乾燥因轉屬陽明不更衣內實大便難者此名陽明也成本病不解因發汗利小便亡津液胃中乾燥太陽之邪入府轉屬陽明古人登廁必更衣不更衣者通為不大便不更衣則胃中物不得泄故為內實胃無津液加之畜熱大便則難為陽明裏實也傷寒脈浮而緩手足自溫者是擊在太陰太陰者身當發黃若小便自利者不能發黃至七八日大便鞭者為陽明病也成浮為陽邪緩為脾風傷寒脈浮緩太陰客熱邪在太陽則手足熱邪在太陰則手足溫邪在少陰厥陰則手

傷寒陽明病
足寒今手足自溫是知繫在太陰也太陰土也為邪蒸
之則色見於外當發身黃小便自利者熱不內畜不能
發黃至七日入白大便鞭者即陽明病若能食名中風
太陰之邪入府轉屬陽明也
不能食名中寒成陽明病以飲食別受風寒者以胃為
者能食寒為陰邪陰邪不殺穀故傷寒者不能食
陽明病但頭眩不惡寒故
能食而欬其人必咽痛若不欬者咽不痛其字从目眩
之謂其眼中黑暗也頭眩之眩當作若藥不瞑眩之眩
訓之謂眩憤亂也謂其頭眩然憤亂而不寧也凡書
皆當活看不可拘執成陽明病身不重痛但頭眩而不
惡寒者陽明中風而風氣上攻也經曰陽明病若不能食
則咽傷故必咽痛若胃氣上逆則欬咽閉者胃之系欬甚
蓋風邪侵肺也肺雖不為足經肺主氣逆則欬恐非
陽明病不能食攻其熱必噦所以然者胃中虛冷故也

以其人本虛故攻其熱必噦成不能食胃中本寒攻其
令噦也經曰關脈弱胃氣虛有熱不陽明病脈遲食
可大攻之熱去則寒起此之謂也陽明病脈遲食
難用飽飽則微煩頭眩必小便難此欲作穀疸雖下之
腹滿如故所以然者脈遲故也成陽明病脈遲則邪大
有寒食難用飽飽則微煩而頭眩者穀氣與寒氣相搏
也寒熱相搏必小便難利者不能發黃言穀熱得泄也
小便不利則穀氣醞釀成熱不得泄出身必發黃疸黃
也以其發於穀氣之熱故名穀疸熱實者下之則愈脈
遲為寒故雖下之祇益其寒腹滿陽明病欲解時從
申至酉止陽明燥金旺於申酉傷寒嘔多雖有陽明
證不可攻也成合通也陽明病面色通赤者熱在
色黃小便不利也成合通也陽明病面色通赤者熱在

傷寒陽明病之熱乘虛入胃必發熱色黃小便不利也○
津液經中之熱乘虛入胃必發熱色黃小便不利也○
張夫陽明病理必近于可下但以其熱猶在經故
云不可攻若攻之則經中之熱悉入于胃鬱
蓄而發黃色譬如下之太早成結胸之類
陽明病腹滿者為邪氣入府可下之心下鞭滿則邪氣
尚淺未全入府不可下之得利止者為邪氣去正氣
安正氣安則愈若因下利不止者為
正氣脫而死尚淺淺字不如高字

心下鞭滿者不可攻之攻之利遂不止者死利止者愈

胃實不大便

大便難

大便鞭

燥屎

成不大便大便難大便鞭燥屎來悉屬裏證宜下者多矣
然而有表未罷風濕相搏尤宜先解表已而下之可也
如經曰傷寒不大便六七日頭疼有熱者小便清知不
在裏仍在表是也其證多見于陽明蓋胃土萬物所歸
無所復傳自太陽少陽傳入者眾所共知而於三陰傳
入者鮮或能識若能熟視其微則三陰有急下之證多
矣豈非仲景之微意歟

胃實有表者先解表

傷寒

不大便

有汗桂枝

六七日頭痛有熱者

與承氣湯其小便清者知不在裏仍在表也須當發汗

若頭痛者必衄宜桂枝湯三時羌活湯成不大便六七
小便清者知裏無熱則不可下經曰小便數者大便必
者不可責邪在裏是仍在表也與桂枝湯以解外若頭
痛不已為表未罷鬱甚于經迫血妄行上為衄也○丹
謹按外證未解不可下下為逆今頭痛有熱宜解表反
與承氣正是責其妄下之過也故下文又言小便清者
知其無裏邪不當行承氣又經之曰當須發汗曰頭痛
必衄血宜桂枝湯反覆告戒論意甚明而註反直曰故
當宜下想因六七白不大便爾雖不大便他無所
無汗表解然後攻之正仲景法也註意似未登
明病脈浮無汗而喘者發汗則愈宜麻黃湯陽明病
脇下鞣滿大便不利而嘔舌上白胎者可與小柴胡湯
上焦得通津液得下胃氣因和身濺然汗出而解也陽
病腹滿不大便舌上胎黃者為邪熱入府可下若脇下
鞣滿雖不大便而嘔舌上白胎者為邪未入府在表裏

之門與小柴胡湯以和解之上焦得通則陽明中風
嘔止津液得下則胃氣因和汗出而解
肌弦浮大而短氣腹都滿脇下及心痛久按之氣不通
鼻乾不得汗嗜卧一身及面目悉黃小便難有潮熱時
時噦耳前後腫刺之小差外不解病過十日脈續浮者
與小柴胡湯肌但浮無餘證者與麻黃湯若不尿腹滿
加噦者不治成肌浮大為陽風在表也弦則為陰風在
中而不通也若寒客於內而痛者按之則寒氣散而痛
止此以風熱內壅故雖久按而氣亦不通陽明病鼻乾
不得卧自汗出者邪在表也此鼻乾不得汗而嗜卧者
風熱內攻不干表也一身及面目悉黃小便難有潮熱
時時噦者風熱攻于胃也陽明之脈出大迎循頰車上
耳過客主人熱勝則腫此風熱在經故耳前後腫刺之
經氣通腫則小差如此者外證罷則可攻若外證不解
雖過十日脈續浮者邪氣猶在半表半裏與小柴胡湯

若其肌但浮而不弦又無諸裏證者是邪但在表也可
與麻黃湯以發其汗若不尿腹滿加噦者關格之疾也
故云不治難經曰關格者不得盡其命而死

口苦咽乾脉浮緊宜和陽明中風口苦咽乾腹滿微喘

發熱惡寒脉浮而緊若下之則腹滿小便難也發熱惡寒寒表未

解也而誤下之則亡陰無陰則陽無以化陽明腹滿

故腹滿小便難也許學士云宜小柴胡湯脉浮緊口苦咽乾而喘若發熱汗出不惡寒反惡熱身

重者忌發汗忌加燒針忌下論見陽明病脉浮而緊

者潮熱發作有時但浮者必盜汗出

右胃家實不大便雖二尺之童亦知可下也殊不知

仲景之法雖有胃實證若表未解及有半表者亦先

用桂枝柴胡以解外然後視虛實消息之也

胃實表解無證者忌攻大便鞭者導之陽明病自汗出

若發汗小便自利者此為津液內竭雖硬不可攻之當

須自欲大便時宜用蜜煎導而通之若土瓜根及入猪

膽汁皆可導之

蜜煎導法

用蜜七合入銅器中微火熬稍凝似飴狀攪之勿令

焦候可丸以手捻作挺子令頭銳大如指長二寸許

乘熱急作之納穀道中用手急捺住欲大便時乃去

之又猪膽汁方用太猪膽一箇瀉汁和醋少許和

傷寒胃實 卷之三
勻灌入穀道中如飯時頃大便自去

便鞭無所苦者俟之太陽病寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴此轉屬陽明也小便數者大便必鞭不更衣十日無所苦也渴欲飲水少少與之但以法救之渴者宜五苓散表今寸緩關浮尺弱邪氣漸傳裏則發熱汗出復惡寒者表未解也傳經之邪入裏裏不和者必嘔此不嘔但心下痞者醫下之早邪氣留於心下也如其不下者必漸不惡寒而渴太陽之邪轉屬陽明也若吐若下若發汗後小便數大便鞭者當與小承氣湯和之此不因吐下發汗後小便數大便鞭者是無滿實雖不更衣十日無所苦也候津液還入胃中小便數少大便自出也渴欲飲水者少少與之以潤胃氣但審邪氣所在以法救之如渴不止與五苓散是也

○張或問上條云小便數者大便必鞭不更衣十日數自無所苦也嘗有四五日六七日不大便者即為攻之今言十日不更衣而不用攻伐何也曰此非結熱乃津液不足雖十日不更衣亦無所苦也經曰陽明病本自汗出醫更重發汗病已瘥尚微煩不了了者此大便必鞭故也以亡津液胃中乾燥故令大便硬當問其小便日幾行本小便日三四行今日再行故知大便不久出為小使數少以津液當還胃中故知不久大便也夫不便者若有潮熱譫語可下之證者然後可以攻之其不大便而無諸下證者此津液不足當須自審慎勿以日數久而輒為攻下也 陽明病本自汗出醫更重發汗病已差尚微煩不了了者此大便必鞭故也以亡津液胃中乾燥故令大便鞭當問其小便日幾行若本小便日三四行今日再行故知大便不久出今為小使數少以津液當還入胃中故知不久必大便也

胃實表解有證者隨證攻之陽明病潮熱不大便六七日恐有燥糞欲知之法少與小承氣湯轉失氣者有燥屎可攻若不轉失氣者無燥屎不可攻方論見潮熱陽明病汗出大便鞭而讖語者宜小承氣湯方論見潮熱不大便腹滿者宜下之若但繞臍痛者則為結胸宜陷胸湯論見腹滿陽明病心下至小腹滿痛者則為結胸宜陷胸湯論見腹滿陽明病不吐不下心煩者可與調胃承氣湯成註吐後心煩謂之內煩下後心煩謂之虛煩今陽明病不吐不下心煩則是胃有鬱熱也與調胃承氣湯以下鬱熱○按陽明一證分為太陽陽正陽少陽三等而以調胃大小承氣下之者按本草曰大黃酒浸入太陽經酒洗入陽明經浸久於洗得酒氣為多故能引之於至高之分若物在山巔入迹不及必射以取之也故仲景以調胃承氣收入太陽門而大

黃下注曰酒浸及詳其用本湯一則曰少少溫服二則曰當和胃氣與調胃承氣湯又詳本湯之證則曰不吐不下心煩者又發汗不解蒸熱又吐後腹脹滿是太陽陽明去表未遠其病在上不當攻下故宜緩劑以調和之也及至正陽陽明則皆曰急下之與大承氣湯而大承氣湯中大黃下注曰酒洗是洗輕於浸微升其走下之性以治其中也至少陽陽明則去正陽而逼太陰其分為下故小承氣湯中大黃不用酒制少陽不宜下故又曰少與曰微瀉之勿令大泄下此仲景之妙法也東垣不審胃之云者乃仲景置調胃承氣於太陽篇太陽治太陽脾約之證以調胃承氣治正陽陽明大承氣之證余故小便不利大便乍難乍易有微熱喘胃不能無辨論見不傷寒六七日目中不了了者宜大承氣湯論見不傷寒六七日目中不了了睛不和無表裏證大便難身微熱者此為實也急下之宜大承氣湯成諸脈皆屬于目傷寒六七日邪氣入裏之時目中不了了睛不和者邪熱內甚上

熏於目也無表裏證大便難者裏實也身太熱者表熱也身微熱者裏熱也針經曰熱病目不明熱不已者死此目中不了了睛不和則證近○跌陽肌浮而濇浮則胃氣強濇則小便數浮濇相搏大便則難其脾為約麻仁丸主之成跌陽者脾胃之脈診浮為陽知胃氣強濇於肺通調水道入於胃游溢精氣上輸於脾脾氣散精上歸於肺通調水道下輸膀胱水精四布五經並行是脾主為胃行其津液者也今胃強脾弱約束津液不得四布但輸膀胱致小便數大便難與脾約九通腸潤燥

麻仁丸方

麻子仁 貳升

芍藥 半斤

枳實 半斤

大黃 壹斤去皮

厚朴 壹尺去麤皮炙

杏仁 別熬壹斤去皮尖

右六味為末煉蜜丸如桐子大飲服十九日三服漸

加以知為度

成內經曰脾欲緩急食甘以緩之麻子杏仁之甘緩脾而潤燥津液不足以酸收之芍藥之酸以斂津液腸燥胃強以苦泄之枳實厚朴大黃之苦下燥結而泄胃強也

陽明證其人喜忘者必有畜血所以然者本有久瘀血故令喜忘屎雖鞭大便反易去聲其色必黑宜抵當湯主之畜血見無表裏證下後肌數不解除穀易饑六七日不大便者有瘀血宜抵當湯

許有一士人家病二人皆旬日矣一則身熱無汗大便不通小便如澀神昏而睡診其脈長大而實予用承氣下之而愈一則陽明自汗大便不通小便利津

傷寒醫實 卷之三
液少口乾燥其脈亦大而虛作蜜煎三易之下燥糞
得溏利而解其家曰皆陽明不通何以治之異予曰
二證雖相似然自汗小便利者不可蕩滌五藏為無
津液也然則傷寒大證相似兩證稍有不同宜子細
斟酌正如格局看命雖年月日時皆同而貴賤窮通
不相侔者於一時中有淺深故知不可不謹

便初鞭後溏仲景論中有四證內有二證不言小便
一證言小便不利一證言小便少其二證不言小便
者陽明病潮熱不大便六七日與小承氣湯不轉失
氣者此但初鞭後必溏不可攻之此胃中邪熱未作

實者也又太陽病下之心中懊憹而煩腹滿者初鞭
後必溏此虛煩熱在上胃中無燥屎者也其一證小
便不利者陽明病中寒不能食小便不利手足濇然
汗出此欲作痼瘕必大便初鞭後溏所以然者以胃
中水穀不別故也又一證言小便少者服承氣湯下
升若不大便六七日小便少者雖不能食但初鞭後
必溏未定成鞭攻之必溏須小便利尿定鞭乃可攻
之是知仲景測大便法皆以小便視之如小便清知
不在裏利不止者利其小便小便數少津液當還入
胃中必大便皆可驗者然小便利尿定鞭固為可攻

傷寒真寶 卷之三
亦有小便自利大便鞭而不可攻者何哉陽明病自汗或發汗小便自利此為津液內竭雖鞭不可攻之當須自欲太便宜蜜煎導蓋非裏實故不可攻也太陽病又一證云若吐若下若發汗微煩小便數大便鞭與小承氣湯和之此兩證汗後大便鞭小便利皆同而治法不同者後證為有傳邪故微煩又因發汗吐下後小便數內亡津液大便鞭是熱邪入裏故以小承氣利之至若前證小便自利以無傳邪故無煩證大便雖鞭不得為裏熱但腸頭乾燥止可用蜜導也讀仲景書者宜詳究焉

不得卧

不得眠陰陽皆有之正病於不得眠者陽明也若少陰當病於欲寐今乃不得眠緣陽氣入少陰經非少陰正病也有因汗下而然者有不因汗下而然者有因火逆而然者治見本條但不得眠皆為熱證其有太陽汗下之後晝日煩躁不得眠一證雖用乾薑附子湯蓋復其汗下所亡之陽非治其所感之寒病也不得眠為常證然少陰脈沉細自利煩躁不得眠者死傷寒發熱下利厥逆煩躁不得卧者亦死俱為正氣弱陽不能復故也活人云汗為火之液汗多則神昏故不眠太熱則神

不清故不眠大下則動血心主血故不眠瘥後熱氣未散陰氣未復故不眠

太陽病一二日不得卧但欲起心下必結脉微弱者此有寒分也桂枝加厚朴杏子湯 傷寒脉浮以火劫之驚狂起卧不得安者桂枝去芍藥加蜀漆龍骨牡蠣救逆湯 下後復發汗晝日煩燥不得眠夜而安靜不嘔不渴無表證脉沉微身無大熱乾薑附子湯 衄家不可汗汗則額上陷脉急緊直視不眴不得眠黃芩芍藥湯 傷寒下後心煩腹滿卧起不安者梔子厚朴湯 發汗吐下後虛煩不得眠反覆顛倒心中懊憹梔子豆豉湯

則愈 太陽病發汗後胃中乾燥不得眠欲飲水者少與之

陽明身熱目疼鼻乾不得卧尺寸脉俱長者陽明受病也病人小便不利大便乍難乍易時有微熱喘冒不能卧者有燥屎也宜大承氣湯 陽明病脉浮而緊咽燥口苦腹滿而喘發熱汗出不惡寒反惡熱身重若加燒針必怵惕煩躁不得眠梔子豉湯 少陰病欲寐一二日後心煩不得卧者黃連阿膠湯主之

黃連阿膠湯方

黃連 肆兩

黃芩 貳兩

芍藥 貳兩

阿膠 叁兩

鷄子黃 貳枚

右五味以水五升先煮三物取二升去滓納膠烱盡

小冷納鷄子黃攪令相得溫服七合日三服

成陽有餘以苦除之黃連黃芩之苦以除熱陰不足以甘補之鷄子黃阿膠之甘以補血酸收也泄也芍藥之酸收陰氣而泄邪熱也。然服鷄子黃其病有不愈者今議加當歸人參茯苓白朮各等分與前藥四味服之立效

少陰病下利欲寐六七日後欬而嘔渴心煩不得眠者

宜猪苓湯論見下利少陰病但欲寐脈沉細不煩欲吐至

五六日自利復煩躁不得寐者死發熱下利厥逆煩

躁不得卧者死

吳太陽脈浮數身疼無汗煩躁不眠者宜汗之則愈

陽明標熱頭額痛目疼身熱鼻乾不得卧脈長者

宜葛根解肌湯汗之若自汗脈洪數表裏俱熱煩渴

舌燥飲水者白虎加人參湯主之若蒸蒸發熱大便

秘鞭者調胃承氣湯下之外有傷寒已解或因食復

劇煩悶乾嘔口燥呻吟錯語不得眠者黃連解毒湯

主之若表裏太熱舌燥飲水者人參白虎湯合解毒

湯主之凡少陽發熱口苦心煩不得眠脈弦數者

小柴胡加黃連山梔子之類若虛弱人津液不足者

加麥門冬酸棗仁之類 太陽病發汗後不得眠脉浮數微熱煩渴小便不利者五苓散主之脉數大者宜人參白虎湯或竹葉石膏湯不可用五苓也 凡汗下後虛煩不得眠者加味温膽湯酸棗仁湯梔子烏梅湯朱砂安神丸之類選而用之

○附

酸棗仁湯治虛煩擾奔氣在胃中不得眠者

酸棗仁炒

人參

茯苓各壹錢半

桂心伍分

石膏貳錢半

知母

甘草各壹錢

生薑叁片

右作二服水二鍾煎至一鍾去滓臨卧服千金流水湯治虛煩不得眠

麥門冬去心

半夏

甘草

黃連

遠志

人參

草薢以上各壹錢

茯苓

酸棗仁各壹錢半

桂心伍分

生薑叁片

米壹合

右用長流水二鍾半先煮米令蟹目沸以杓揚萬遍取湯一鍾煎藥至一鍾去滓温服加味温膽湯治太陽病後虛煩不得眠此膽寒也

半夏洗

酸棗仁炒各壹錢半

綠枳實

陳皮

茯苓 貳錢

甘草 各壹錢

人參 貳錢半

竹茹 壹團

生薑 叁片

右用水二鍾煎至一鍾去滓溫服若心煩內熱者倍加黃連麥門冬若口燥舌乾者去半夏加麥門冬五味子天花粉若有表熱未清加軟苗柴胡若內虛太便自利者去枳實加白朮茯苓若肉實心煩顛倒者加山梔仁

酸棗湯治吐下後晝夜不得眠

酸棗仁 炒貳錢半

麥門冬

茯苓

當歸身 各貳錢

甘草

知母

川芎 各壹錢半

乾薑 叁分

生薑 叁片

右煎法同前

梔子烏梅湯

梔子

黃芩

甘草

人參

麥門冬 各壹錢

柴胡 貳錢

烏梅 貳枚

生薑 叁片

竹葉 拾肆片

右煎法同前

黃連解毒湯治太熱乾嘔錯語呻吟不得眠

黃連 貳錢半

黃芩

黃蘗 各半兩

梔子 肆箇

水

水一盞半煎至一盞半去滓分二服

傷寒本經... 水一盞半煎至一盞半去滓分二服

自汗 附盜汗 頭汗 手足汗 無汗 不得汗

衛氣者護衛皮膚肥實腠理禁固津液不得妄泄邪氣于之則不能衛固於外由是津液妄泄澌澌然潤熱熱然出不因發散而自汗出也傷風則發熱自汗中喝則汗出惡風而渴風濕甚者則汗多而濡是風與暑濕為邪皆令自汗惟寒邪傷榮而不傷衛是以膚腠閉密汗不出也始雖無汗及傳入裏而為熱則榮衛通腠理開亦令汗自出矣自汗又有表裏之別虛實之異若汗出惡風及微惡寒者皆表未解宜發散至于漏不止而惡風及發汗後惡寒者表虛也宜溫之此皆邪氣在表若

汗出不惡風寒者此表解裏病下之則愈如陽明發熱汗出此為熱越及陽明發熱汗多急下之者是也自汗雖常證或汗出髮潤如油如貫珠着身不流皆為不治必手足俱周徧身悉潤漉漉然一時汗出熱已身涼乃為佳兆

身熱汗出惡寒屬表病常自汗出者此為榮氣和榮氣和者外不諧以衛氣不共榮氣和諧故爾以榮行脈中衛行脈外復發其汗榮衛和則愈宜桂枝湯風則傷衛衛受風邪而榮不病者為榮氣和也衛既客邪則不能與榮氣和諧亦不能衛護皮膚是以常自汗出與桂枝湯解散風邪調和榮神則愈兼項強痛者桂枝加葛根

湯項強兼骨節煩疼不得屈伸小便不利者甘草附子

湯論見風濕若發汗後遂漏不止惡風者桂枝附子

湯論見後條汗出而渴者五苓散不渴者茯苓甘草湯

活人云傷風自汗桂枝湯難用須子細消息之假令傷風自汗若脈浮而弱設當行桂枝服湯後無桂枝脈息證候而煩者即不可再服也若傷風自汗出而小便數者切不可與桂枝也又太陽病自汗四肢拘急難以屈伸若小便難者可桂枝湯內加附子服之若小便數者慎不可與桂枝附子湯宜服芍藥甘草湯若誤行桂枝附子攻表便咽乾煩躁厥逆嘔吐作

甘草乾薑湯與之以復其陽若厥愈足温更作芍藥甘草湯與之其脚即伸

趙有發汗漏風小便難與自汗小便數二證相近似温仲景亦恐後人誤認故重出一章問答以明之前一證云大陽病發汗遂漏不止其人惡風小便難四肢微急難以屈伸桂枝附子湯主之蓋是因邪發汗遂漏不止乃服汗藥太過非自汗也惡風者餘邪未盡也小便難四肢急為亡津液筋失所養也乃汗多亡陽外虛經氣病帶表邪不在裏也故宜附子温經桂枝解表芍藥益血舒筋也此又一證云蓋是脉浮

為虛也汗自出微惡寒者陽虛無以衛外也小便數為下焦虛寒不能制水也心煩為陰虛血少也脚攣急乃血為汗奪筋無以潤養也此初得病便自表裏俱虛外無陽證病不在表固不得與桂枝同法設若誤用桂枝攻表重發其汗是虛虛也固得之便厥咽乾煩躁吐逆厥為亡陽不能與陰相順接咽乾為津液寡煩躁吐逆為寒格而上也故宜乾薑以温裏復陽甘草芍藥益其汗奪之血然後可以復陰陽不足之氣得脚伸後或譫語者由自汗小便數胃家先自津液乾少又服乾薑性燥之藥以致陽明內結譫語

雖然非邪實大滿故但用調胃承氣以調之仍少與
乏也原其芍藥甘草湯乃是厥愈是溫後專治兩脛
攣急之藥非正治脈浮自汗出小便數之藥也今活
人書却云芍藥甘草湯主脈浮自汗出小便數者何
也又云通治誤服桂枝湯後病證仍存者愚不知病
證何似可用如上仲景藥法蓋嘗復玩味而細繹焉
自常人觀之豈不曰自汗小便數證又無自利遽用
乾薑溫之因而以致結燥譫語後却用芒硝大黃寒
藥以解其熱似若失次病家遇此必咎醫者以為誤
用乾薑熱燥之失後藥解先之差矣殊不知仲景之

意不患乎乾薑之熱燥惟患乎正氣之虛正氣之長
邪氣之所由消也且自汗小便數等證為表裏俱虛
治法必先復其陰陽不足之正氣然非乾薑芍藥甘
草不可至於正氣陰陽已復而內有所主則雖胃燥
譫語不過大便內結太黃芒硝潤滑而去之而正氣
內強不至下脫結燥而正氣安矣以上用藥次第先
熱後寒先補後瀉似逆而實順非仲景之妙孰能至
是哉後之學者可不以此推廣而應變又何暇辯病
家之謬詢也耶

若夏月中暑自汗身熱惡寒脈微弱口渴足冷者白虎

加人參湯主之

治法詳見雜病中暑門

身熱汗出不惡寒屬裏為陽明本證問曰陽明外證云

何答曰身熱汗自出不惡寒反惡熱也大承氣湯問曰病

有得之一日不發熱而惡寒何也答曰雖得之一日惡

寒將自罷即自汗出而惡熱也問曰惡寒何故自罷答

曰陽明居中土也萬物所歸無所復傳始雖惡寒二日

自止此為陽明病也傷寒轉屬陽明者其人濺然微

汗出也中風則有汗傷寒無汗唯入陽明

燕便鞭謔語者下之汗出身熱不惡寒便鞭謔語者宜

承氣湯論見謔語陽明病發熱汗多者急下之宜大承氣

湯

許有人患傷寒自痛鼻乾不得卧大便不通尺寸脈

俱大已數日一夕汗出予謂速以大柴胡湯下之醫

駭曰陽明自汗津液已涸法當用蜜煎何須苦用下

藥予謂曰子雖知蜜煎為穩當還用大柴胡湯此仲

景不傳之妙公安能知之予力爭竟投大柴胡湯二

貼愈仲景論陽明之病多汗者急下之人多謂已是

自汗若又下之豈不表裏俱虛又如論少陰云少陰

病一二日口乾燥者急下之人多謂病發於陰得之

日淺但見乾燥若更下之豈不陰氣愈甚舉此二端

則其可疑者不可勝數此仲景之書世人罕能讀也
予謂仲景稱急下之者亦猶急當救表急當救裏之
說凡稱急者有三變謂纔覺汗未至津液乾燥便速
下之則為精捷免致用蜜煎也若胸中識得了了自
無可疑若未能了誤用之反不若蜜煎之為穩也

兼肌浮緊口苦者忌汗下針宜和解陽明脈浮而緊咽
燥口苦腹滿而喘發熱汗出不惡寒反惡熱身重若發
汗則心憤憤反譫語若加燒針必怵惕躁不得眠若下
則胃中空虛客氣動膈心中懊懣舌上胎者梔子豉湯
主之若渴欲飲水口乾舌燥者白虎加人參湯主之若

陽明證身熱目痛鼻乾不得臥不惡寒而自汗或惡
熱而尺寸俱浮者白虎湯主之傷寒尺寸脈俱長
自汗大出身表如冰石脈傳至於裏細而小及瘧疾
但寒不熱其人動作如故此陽明傳入少陰戊合癸
即夫傳婦也白虎加桂枝主之然脈雖細小當以遲
疾別之此證脈疾而非遲故用此法白虎加桂枝湯
如中暑者自汗微惡
寒者亦宜服之
活傷寒應發汗而動氣在左不可發汗發汗則頭眩
汗出筋惕肉瞤此為逆難治先服防風白朮牡蠣散
次服建中湯

傷寒自汗
失之三

防風白朮牡蠣散

治發汗多頭眩汗出筋惕肉瞤

防風

牡蠣炒成粉

白朮各等分

右為細末每服貳錢以酒調下米飲亦得日二三服汗止後服小建中湯

集傷寒汗多不止

內庭瀉

合谷瀉

復溜瀉

似陽明外證太陽病吐後汗出不惡寒發熱關上脈細

數曰小逆

吐後似陽明而關脈細

太陽病發熱汗出不惡寒者

為柔瘧

柔瘧似陽明而身反張

發汗已身灼熱者名風溫風溫

為病脈浮汗出身重多眠

汗吐下後自汗二陽併病太陽初得病時發其汗汗先

針灸

脈浮發熱渴欲飲水小便不利者猪苓湯主之

註云脈浮發熱

日苦者邪在裏表脈緊自汗腹滿不惡寒者邪在裏此表裏俱有邪宜和解

兼小便不利者分欲食不欲食陽明欲食小便反不利

大便自調其人骨節痠翁翁如有熱狀奄然發狂濺然

汗出而解此水不勝穀氣與汗共并脈緊則愈

桂枝湯羌活湯類之陽明病若中寒不能食小便不利手足濺然汗出

此欲作痼瘕必大便初鞭後澹以胃中冷水穀不別故

也

厚朴生薑甘草半夏人參湯吳茱萸湯理中湯之類兼心下痞汗出心下痞滿有一證其痞按之濡軟不痛

而惡寒者宜附子瀉心湯其痞按之鞭引脇痛而身體

傷寒自汗 卷之三 三

不惡寒者宜十棗湯 方論見

兼下利汗出下利熱不去厥逆惡寒者四逆湯 下利

清穀者通脈四逆湯 汗出下利有微熱者其脈數自

愈脈緊未愈 六七日後發熱而利其人汗出不止者

死俱見

兼吐利脈緊反汗出而咽痛吐利者少陰病亡陽 吐

利汗出手足厥冷脈微欲絕者四逆湯 吐利止汗出

而厥脈微欲絕者通脈四逆加豬膽汁湯 俱見

海太陽自汗桂枝湯 陽明自汗白虎湯 少陰自

汗四逆湯

出不徹因轉屬陽明續自微汗出不惡寒若太陽證不

罷者不可下下之為逆如此可小發汗設面色緣緣正

赤者陽氣怫鬱在表當解之薰之若發汗不徹不足言

陽氣怫鬱不得越當汗不汗其人躁煩不知痛處乍在

腹中乍在四肢按之不可得其人短氣但坐以汗出不

徹故也更發汗則愈何以知汗出不徹以脈濇故知也

成太陽病未解傳併入陽明而太陽證未罷者名曰併病續自微汗出不惡寒者為太陽證罷陽明證具也法當下之若太陽證未罷者為表未解則不可下當小發其汗先解表也陽明之脈循面面色緣緣正赤者陽氣怫鬱在表也當解之薰之以取其汗若發汗不徹者不足言陽氣怫鬱止是當汗不汗陽氣不得越散邪無從出擁甚于經故躁煩也邪循經行則痛無常處或在腹中或在四肢按之不可得而短氣但責以汗出不徹更

傷寒自汗 卷之三
發汗則愈內經曰諸過者切之瀉者陽氣有餘為身熱無汗是以脈濇知陽氣擁鬱而汗出不徹○凡經文言或言若言設言假令者皆更端之詞即成氏所謂或為之證也○不徹不足言正與可小字相反○因太陽故當汗因併陽明故當小發先字最有次第仲景之樞機也 下後不可更行桂枝湯若汗出而喘無大熱者與麻黃杏仁甘草石膏湯發汗後不可更行桂枝湯汗出而喘無大熱者麻黃杏仁甘草石膏湯 服桂枝大汗出脈洪大者仍與桂枝若形如瘧日再發者汗出必解桂枝二麻黃一湯 太陽病發汗後太汗出胃中乾燥不得眠欲飲水者少少與之胃和則愈若脈浮小便不利微熱消渴者五苓散傷寒五六日嘔而發熱柴胡證具而以他藥下之柴胡

證仍在者復與柴胡湯雖下之不為逆必蒸蒸而振發熱汗出而解 太陽病桂枝證醫反下之利遂不止脈促者表未解也喘而汗出者葛根黃連黃芩湯主之
言不宜下而便攻之內虛熱入於桂枝證者邪在表也而反下之虛其腸胃為熱所乘遂利不止邪在表則見陽脈邪在裏則見陰脈下利脈微遲邪在裏也促為陽盛雖下利而脈促者知表未解也病有汗出而喘者為自汗而喘也即邪氣外甚所致喘而汗出者為因喘而汗出也即裏熱氣逆所致與葛根黃連黃芩湯以散表邪除裏熱清肌肺促有此證者宜用此方厥陰證脈促手足厥即當歸四逆湯加吳茱萸主之
脈浮數者法當汗出而愈若下之身重心悸者不可發汗當自汗出乃解所以然者尺中脈微此裏虛須表裏實津液自和便自汗出愈
國經云諸脈浮數當發熱而汗洒惡寒言邪氣在表

也是當汗出愈若下之身重心悸者損其津液虛其胃
氣若身重心悸而尺脈實者則下後裏虛邪氣乘虛傳
裏也今尺脈微身重心悸者知下後裏虛津液不足邪
氣不傳裏但在表也然以津液不足則不可發汗須裏
氣實津液足便自汗出而愈宜麻黃湯桂枝加芍藥湯
枝加白朮茯苓甘草湯下後桂枝加芍藥湯
當惡寒發熱今自汗出不惡寒發熱關上脈細數者以
醫吐之過也詳發熱太陽病寸緩關浮尺弱其人發熱
汗出惡寒不嘔但心下痞者此以醫下之也如不因下
病人不惡寒而渴者此轉屬陽明渴欲飲水少少與之
宜五苓散傷寒太吐太下之極虛復極汗出者以其
人外氣拂鬱復與之水以發其汗因得噦所以然者胃
中寒冷故也詳發熱

亡陽傷寒脈浮醫以火迫劫之亡陽必驚狂起卧不安
者桂枝去芍藥加蜀漆牡蠣龍骨救逆湯主之太陽
病發汗遂漏不止其人惡風小便難四肢微急難以屈
伸者桂枝加附子湯主之發汗多若重發汗亡其陽
譫語脈短者死脈自和者不死亡陽胃燥譫語者脈短
津液已絕不可復治脈
自和為正氣未衰而猶可生也宜小柴胡加桂湯
脈陽微而汗出少者為自和也汗出多者為太過
陽脈實因發其汗出多者亦為太過太過為陽絕于裏
亡津液太便因鞭也少陰病脈微不可發汗亡陽故也
陽已虛尺脈弱瀉者復不可下之脈微為亡陽表虛不可發汗
脈弱瀉為亡陰裏虛復不可下宜桂枝芍藥甘草湯四逆湯

病人脈陰陽俱緊反汗出者亡陽也此屬少陰法當咽痛而復吐利或用桂枝加乾薑湯四逆湯

盜汗盜汗者謂睡而汗出也方其睡熟溱溱然出覺則止而不復出矣睡則胃氣行裏表中陽氣不絀故津液得泄覺則氣行于表而汗止矣

病盜汗責其陰虛傷寒盜汗由邪氣在半表半裏使然也若邪氣在表則又謂之自汗矣經曰微盜汗出反惡寒者表未解也又陽明當作裏實而脈浮者云必盜汗是猶有表邪也又三陽合病目合則汗是知盜汗邪在表裏之間而悉屬和解明矣非若自汗有表裏虛實之別也

太陽病脈浮動數頭痛發熱微盜汗出反惡寒

者表未解也詳見結胸陽明病脈浮而緊必潮熱發作有時但浮者必盜汗出活人云脈浮盜汗黃芩湯或柴胡薑桂湯桂枝茯苓白朮湯

三陽合病脈浮大上關上但欲眠睡目合則汗出陽之氣太陽之脈浮陽明之脈大脈浮上關上知三陽合病膽熱則睡少陰病且欲眠睡目合則汗出以陰不得有汗但欲眠睡目合則汗知三陽合病膽有熱也小柴胡湯瀉心湯或謂此證俱屬少陽篇中亦可用小柴胡否答曰可用大柴胡合病其邪發見于脈也浮者太陽也大者陽明也上關上者少陽也但欲眠睡目合則汗此膽有熱脈證相符故出于少陽篇下蓋浮脈無證不可汗大脈無證不可下浮大之脈俱上關知三陽合病而熱在膽也然膽居

頭汗頭乃諸陽之會熱蒸于陽故但頭汗出也三陰無頭汗其經不上頭故也偏身有汗謂之熱越但頭汗出

傷寒盜汗

傷寒盜汗

者表未解也詳見結胸陽明病脈浮而緊必潮熱發作有時但浮者必盜汗出活人云脈浮盜汗黃芩湯或柴胡薑桂湯桂枝茯苓白朮湯

三陽合病脈浮大上關上但欲眠睡目合則汗出陽之氣太陽之脈浮陽明之脈大脈浮上關上知三陽合病膽熱則睡少陰病且欲眠睡目合則汗出以陰不得有汗但欲眠睡目合則汗知三陽合病膽有熱也小柴胡湯瀉心湯或謂此證俱屬少陽篇中亦可用小柴胡否答曰可用大柴胡合病其邪發見于脈也浮者太陽也大者陽明也上關上者少陽也但欲眠睡目合則汗此膽有熱脈證相符故出于少陽篇下蓋浮脈無證不可汗大脈無證不可下浮大之脈俱上關知三陽合病而熱在膽也然膽居

頭汗頭乃諸陽之會熱蒸于陽故但頭汗出也三陰無頭汗其經不上頭故也偏身有汗謂之熱越但頭汗出

傷寒盜汗

傷寒盜汗

傷寒盜汗

傷寒盜汗

傷寒盜汗

傷寒盜汗

傷寒盜汗

傷寒盜汗

傷寒盜汗

傷寒盜汗

傷寒盜汗

傷寒盜汗

傷寒盜汗

傷寒盜汗

而身無汗者熱不得越而上達也如瘧熱在裏身必發黃及熱入血室與其虛煩或陽明被火及水結胸數者皆但頭汗出俱是熱不得越故或吐或下以除其熱也且邪但在表則無頭汗之證必也寒濕相搏與邪在半表半裏乃有頭汗也如傷寒五六日已發汗而復下之胸脇滿微結小便不利渴而不嘔但頭汗出往來寒熱心煩及傷寒五六日頭汗微惡寒手足冷心下滿口不欲食大便鞭脈細者此皆邪在表裏兩間令頭汗出也濕家但頭汗出欲得被覆向火者寒濕相搏故頭汗也此皆不得謂之逆然小便不利而成關格若頭汗者陽

脫也經云關格不通不得尿頭無汗者生有汗者死又濕家下後頭額汗出而微喘者亦陽脫也經云濕家下之額上汗出小便不利者死下利不止者亦死二者乃頭汗之逆

太陽傷寒十餘日熱結在裏復往來寒熱大柴胡湯但結胸無大熱者此水結胸但頭微汗者大陷胸湯 傷寒五六日已汗復下胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯 太陽病中風以火劫發汗邪風被火熱血氣流溢失其常度兩陽相熏灼其身發黃陽盛則欲衄陰盛則小便難陰陽俱虛竭則身體枯燥但頭

汗出劑頸而還腹滿微喘口乾咽爛或不大便久則譫
語甚者至噦手足躁擾捻衣摸牀小便利者其人可治
成風為陽邪因火熱之氣則邪氣愈甚道于血氣使血
氣流溢失其常度風與火氣謂之兩陽兩陽相熏灼熱
發于外必發身黃若熱搏于經絡為陽盛外熱迫血上
行必衄熱搏于內者為陰虛因熱必小便難若熱消血
枯燥三陽經絡至頸三陰經絡至胸中而還但頭汗劑
頸而還者熱氣炎上搏陽而不搏于陰也內經曰諸腹
脹大皆屬于熱腹滿微喘者熱氣內鬱也內經曰火氣
內發上為口乾咽爛者火熱上重也熱氣上而不下者
則大便不鞭若熱氣下入胃消津液則大便鞭故云
或不大便久則胃中躁熱必發譫語內經曰病深者其
聲啞火氣太甚正氣逆亂則譫又曰四肢者諸陽之本
也陽盛則四肢實火熱太甚故手足躁擾捻衣摸牀擾
亂也小便利者為火未劇津液未竭而猶可治也宜
黃芩梔子榮皮湯切黃芩湯小便難五苓散小便利津
液未竭其不利者上乾下竭故名不治大柴胡湯承氣

湯 太陽病脈浮動數頭痛發熱微盜汗出而反惡寒
者表未解也醫反下之動數變遲陽氣內陷心中因鞭
則為結胸若不結胸但頭汗出餘處無汗劑頸而還小
便不利身必發黃趙頭汗出有數種如發黃頭汗出者
出者寒濕客搏經絡也下血譫語頭汗出者強惡寒頭汗
虛煩懊憹頭汗出者邪客胸中熏發於上也水結胸頭
汗出者水氣停蓄不得外行也陽微結與往來寒熱頭
汗出者邪在半表半裏也發黃鼻衄小便難頭汗出者
邪風火熱薰灼上炎也此數者皆為邪風所干而然今
活人書却稱病人表實裏虛玄府不開五內乾枯胞中
空虛津液寡所致干上數證皆非也外有二證又為頭
汗出之逆經云關格不通不得尿頭無汗者生有汗者
死又濕家下之額上汗出微喘小便利者死下利不止
者亦死以陽氣上脫故也活人書此間不言何以為可
治之別 陽明病發熱汗出此為熱越不能發黃也但

頭汗出身無汗劑頸而還小便不利渴引水漿此為瘵
熱在裏身必發黃茵陳湯主之或用茵陳五苓散三陽合病
腹滿身重難以轉側口不仁而面垢譫語遺尿發汗則
譫語下之則額上生汗手足逆冷若自汗出者白虎湯
陽明病被火額上微汗出小便不利必發黃國陽明病則為
內熱被火則火熱相合而甚若遍身汗出而小便利者
熱得泄越不能發黃今額上微汗出而小便不利則熱
不得越鬱蒸于胃必發黃也陽明病下之其外有熱
手足溫者不結胸心中懊憹飢不能食但頭汗出梔子
豉湯 陽明病下血譫語者此為熱入血室但頭汗出
者刺期門隨其實而瀉之澱澱然汗出而愈國陽明病熱入血室

迫血下行使下血譫語陽明病法多汗以奪血者無汗
故但頭汗出也刺期門以散血室之熱隨其實而瀉之
以除陽明之邪熱散邪除則榮衛得通津液得復澱然汗出而解 傷寒五六日頭汗
出微惡寒手足冷心下滿口不欲食大便鞅脈細者此
為陽微結必有表復有裏也脈沉亦在裏也頭汗出為
陽微假冷純陰結不得復有外證悉入在裏此為半在
裏半在外也脈雖沉緊不得為少陰病所以然者陰不
得有汗今頭汗出故知非少陰也可與小柴胡湯若不
了者得屎而解國傷寒五六日邪當傳裏之時頭汗
下滿口不欲食大便鞅脈細者邪結於裏也大便鞅為
陽微結此邪熱雖傳於裏然以外證悉入在裏也
日陽微結脈沉雖為在裏若純陰結則更無頭汗惡寒
之表證諸陰脈皆至頭胸中而還不上循頭今頭汗出

傷寒頭汗
知非少陰也與小柴胡湯以除半表半裏之邪服湯已
外證罷而不汗者為裏熱未除與湯取其微利則愈
故云得
屎而解

孫凡水結胸脇間頭必有汗治以半夏茯苓湯

活病人表實裏虛玄府不開則陽氣上出汗見於頭

凡頭汗出者五藏乾枯胞中空虛津液少也慎不可

下下之謂重虛

海頭汗出刺頸而還血證也額上偏多者屬心部為

血證也獨益中州脾土以血藥治之其法無以加矣

手足汗胃主四肢為津液之主故病則手足汗出也手

足汗出為熱聚于胃是津液之傍達也經曰手足濇然

汗出大便已鞭又曰手足熱熱汗出大便難而譫語二
者俱宜下之又陽明中寒不能食小便不利手足濇然
汗出此欲作痼瘕不下為宜二者俱手足汗出一則太
便初鞭後澹胃中冷水穀不別故不可下一則大便難
譫語為陽明證具故宜下也 一陽併病太陽證罷但
發潮熱手足熱熱汗出大便難而譫語下之則愈大承
氣湯 陽明病脈遲雖汗出不惡寒身重短氣腹滿而
喘潮熱者此外欲解可攻裏也手足濇然而汗出此大
便已鞭也大承氣湯主之 陽明病若中寒不能
食小便不利手足濇然汗出此欲作痼瘕必大便初鞭

後澹以胃中冷水穀不別故也。厚朴生薑甘草半夏人參湯吳茱萸湯中湯
無汗有數種。寒邪在表而無汗者，邪氣行於裏而無汗者。水飲內蓄而無汗者，陽虛無汗者。經謂太陽病無汗而喘，及脈浮緊無汗發熱及不出汗而煩躁，陽明病反無汗而小便利，二三日嘔而欬，手足厥若，頭痛及鼻乾，不得汗，脈浮無汗而喘，與其剛瘕無汗是數者，皆寒邪在表而無汗者也。經謂陽明病無汗，小便不利，心中懊憹，傷寒發熱無汗渴，欲飲水無表證者，白虎加人參湯與夫三陰為病，不得有汗。陰亡陽一證有得汗是數者皆邪行于裏而無汗者也其轉屬少陰者也

水飲內蓄無汗者，經謂服桂枝湯或下之，仍頭痛項強，翕翕發熱無汗，心滿微痛，小便不利，桂枝去桂加茯苓白朮是也。其陽虛無汗者，經謂脈浮而遲遲為無陽，不能作汗，其身必痒是也。太陽發熱惡寒身疼無汗而喘，麻黃湯證。發熱惡寒身疼不汗出而煩躁，大青龍湯證。服桂枝或下之，仍頭痛項強發熱無汗，心下微痛，小便不利，桂枝去桂加茯苓白朮湯證。項背強几几無汗惡風，葛根湯證。陽明脈浮無汗而喘，麻黃湯證。以上俱傷寒脈浮發熱無汗其表不解不可與白虎湯渴欲飲水無表證者白虎加人參湯 陽明病法

多汗反無汗身如蠶行皮中狀者久虛故也胃為津液之源久虛津液竭不能為汗胃主肌肉實則為痛虛則為痿宜用黃芪建中湯得津液既和而陽明證仍在以小柴胡湯徐之陽明病反無汗而小便利二三白嘔而欬手足厥者必苦頭痛若不欬不嘔手足不厥者頭不痛陽明病無汗小便不利心中懊懣者必發黃國陽明病便不利熱蘊于內而不得越心中懊懣者熱氣鬱蒸欲發于外而為黃也宜茵陳五苓散桂枝漿皮湯少陰病但厥無汗強發之必動其血或從口鼻或從目出各下厥上竭為難治但厥無汗熱行于裡也而強發行從虛而出口鼻或從目出諸厥者皆屬于下但厥為下厥血亡于上為上竭傷氣損血邪甚正虛故為難治也

不得汗 太陽病以火重之不得汗其人必躁到不解必

清血名為火邪咸此火邪迫血而行也太陽病用必發燥也六日傳經盡至七日再到太陽經則熱氣當解若不解熱氣迫血下行必清血清血清血則熱氣當

地黃 太陽病八九日如瘧狀發熱惡寒熱多寒少其人

不嘔清便欲自可一日二三度發脈微緩者為欲愈

脈微惡寒者此陰陽俱虛不可更汗吐下也面色反有

熱色者以不得小汗出身必痒宜桂麻各半湯 太陽

病二日反燥凡熨其背而大汗出大熱入胃胃中水竭

燥煩必發譫語十餘日振慄自下利者為欲解從腰已

下不得汗欲小便不得反嘔欲失溲足下惡風大便鞅

小便當數反不數及多大便已頭卓然痛足心必熱穀
氣下流故也或云汗多先服桂枝湯後用調胃承陽
明中風脈弦浮大而短氣腹滿脇下及心痛久按之氣
不通鼻乾不得汗嗜卧一身面目悉黃小便難有潮熱
時時噦者柴胡湯但脈浮無餘證者麻黃湯 或當汗
而汗之服湯至三劑而不得汗者死病也 或熱病脈
躁盛而不得汗者黃帝謂陽脈之極也死此二者為真
病不治 然有當和解之證汗之而不得汗者和解之
力到汗自出而解矣慎莫錯會作死證也

潮熱

潮熱者若潮汛之來不失其時一日一發按時而發者
謂之潮熱若日三五發者是即發熱非潮熱也潮熱屬
陽明陽明旺于未申必於日晡時發乃為潮熱
太陽病重發汗而復下之不大便五六日舌上燥而渴
日晡小有潮熱從心下至少腹硬滿而痛不可近者大
陷胸湯主之成重發汗而復下之則內外重亡津液而
日晡潮熱者屬胃此日晡小有潮熱非但在胃從心下
至小腹硬滿而痛不可近者是也一腹之中上下邪氣俱
甚者也宜陷胸湯以下其邪○丹謹按太陽病已重發
汗表則虛矣而復下之裏又虛矣不大便五六日可見
津液之耗矣非若前章之未嘗發汗而但下之傷于早
爾今雖有硬滿而可以迅攻之乎若日潮熱于申酉係

陽明屬調胃承氣證既又曰小有潮熱猶可疑待之間
將無他法以緩取之乎○潮熱本屬陽明也太陽潮熱
惟此一證耳雜病太陽潮熱則在巳午更
玩此小字則知邪太陽為多陽明為少

陽明病潮熱太便秘鞅可與大承氣湯不鞅者不與之
若不大便六七日恐有燥糞欲知之可少與小承氣湯
入腹中轉失氣者此有燥糞乃可攻之若不轉失氣者
此但初頭鞅後必溏不可攻之攻之必脹滿不能食也
欲飲水者與之則噦其後發熱者必大便復鞅而少也
以小承氣湯和之不轉失氣者慎不可攻也 陽明病
脈遲雖汗出不惡寒者其身必重短氣腹滿而喘有潮
熱者此外欲解可攻裏也手足濇然汗出者此大便已

鞅也大承氣湯主之君汗多微發熱惡寒者外未解也
其熱不潮未可與承氣湯若腹大滿不通者可與小承
氣湯微和胃氣勿令大泄下 陽明病譫語有潮熱反
不能食者胃中必有燥屎五六枚也若能食者但鞅爾
宜大承氣湯下之 胃熱當消穀引食反不能食者胃中
雖鞅不得為有燥屎玩但字則未句恐當在若能食者
之上燥屎在大腸而曰胃中者傷寒傳胃不傳大腸治
病必求其本故仲景從本言之况 二陽併病太陽證
罷但發潮熱手足鞅鞅汗出大便難而譫語者下之則
愈宜大承氣湯 成本太陽病併于陽明名曰併病太陽
身汗出為證越今手足鞅鞅汗出是熱聚于胃也必大
便難而譫語經曰手足鞅然汗出者必大便已硬也

與天承氣湯以 陽明病譫語發潮熱脈滑而疾者小
下胃中實熱 承氣湯主之與湯一升腹中轉失氣者更服一升不轉
 失氣勿更與之明日不大便脈反微澀者裏虛也為難
 治不可更與承氣湯也成陽明病譫語發潮熱若脈沉
為裏熱未實則未可下先與小承氣湯和之湯入腹中
轉失氣者中有燥屎可更與小承氣湯一升以探之若
不轉失氣者是無燥屎不可更與小承氣湯至明日邪
氣傳時脈得沉實緊牢之類是裏實也反得微澀者裏
氣太虛也若太便利後脈微澀者止為裏虛而猶可此
不胃大便脈反微澀是正氣內衰為邪勝也故曰難治
 大承氣湯方海藏云厚朴去痞枳實泄滿芒硝軟堅大
黃泄實必痞滿燥實四證全者方可用之
 大黃肆兩 厚朴炙去麤皮 枳實伍枚
酒洗 芒硝半斤

右四味以水一斗先煮二物取五升去滓內大黃煮
 取二升去滓內芒硝更上火微煎一上沸分溫再服
 得下餘勿服

成承順也傷寒邪入胃者謂之入府府之為言聚也
 胃為水穀之海榮衛之原水穀會聚於胃變化為榮
 衛邪氣入胃胃氣鬱滯糟粕秘結壅而為實是正氣
 不得舒順也本草云通可去滯洩可去閉塞而不利
 閉而不通以湯蕩滌使塞者利而閉者通正氣得以
 舒順故曰承氣也王水曰宜下必以苦宜補必以酸
 潰堅破結苦寒為主是以枳實為君內經曰燥淫於

內治以苦溫洩滿除燥苦溫為輔是以厚朴為臣內
經曰熱淫于內治以鹹寒入傷于寒則為病熱熱氣
聚于胃則謂之實鹹寒之物以消實熱故以芒硝鹹
寒為佐內經曰燥淫所勝以苦下之熱氣內勝則津
液消而腸胃燥苦寒之物以蕩滌其燥熱故以^{大黃}
為使是以^{大黃}有將軍之號也承氣湯下藥也用之
尤宜審如大滿大實有燥屎乃可投也如非大滿則
生寒證而結胸痞氣之屬由是而生矣

小承氣湯方

海藏云大黃泄實厚朴去痞必痞實全皆可用

大黃

肆兩

厚朴

炙去麤皮

貳兩

枳實

參枚

大者

已上三味以水四升煮取一升二合去滓分溫二服

初服湯當更衣不爾者盡飲之若更衣者勿再服

大熱結實者與大承湯不熱微結者與小承氣湯熱不大甚故大承氣去芒硝結不至堅故不減枳實也

吳或問承氣湯仲景有大小調胃之名何也然傷寒

邪熱傳變入裏謂之入府府者聚也蓋邪熱與糟粕

蘊而為實也實則潮熱譫語手心濇濇汗出者此燥

屎所為也如人壯太熱太實者宜大承氣湯下之小

熱小實者與小承氣湯下之又熱結不堅滿者故減

去厚朴枳實加甘草而和緩之故曰調胃承氣也若

病大而以小承氣攻之則邪氣不伏病小而以大承

氣攻之則過傷正氣且不及還可再攻過則不能復
救可不謹哉仲景曰凡欲行大承氣先與小承氣一
鍾服之腹中轉失氣乃有燥屎也可以大承氣攻之
若不轉失氣慎不可攻之則腹脹不能食而難治
又曰服承氣湯得利慎勿再服此諄諄告戒也凡用
攻法必須妙算料量合宜則應手而効若不料量孟
浪攻之必且殺入

傷寒若吐若下後不解不大便五六日上至十餘日
晡所發潮熱不惡寒獨語如見鬼狀若劇者發則不識
入循衣摸牀惕而不安微喘直視脉弦者生濇者死但

發熱譫語者大承氣湯主之一服利止後服詳循衣摸牀

陽明病發潮熱大便溏小便自利胸脇滿不去者小柴

胡湯主之陽明為病胃實是也今便溏而言陽明病者謂陽明外證身熱汗出不惡寒及惡熱之病也

陽明中風脉弦浮大短氣腹滿脇下及心痛鼻乾

不得汗嗜卧身黃小便難時時噦而潮熱者小柴胡加

茯苓主之傷寒十三日不解胃脇滿而嘔日晡所發

潮熱已而微利此本柴胡證下之而不得利今反利者

知醫以丸藥下之非其治也潮熱者實也先宜小柴胡

湯以解外後以柴胡加芒硝湯主之

柴胡加芒硝湯方

柴胡 壹兩 黃芩 人參 甘草 炙

生薑 各伍錢 半夏 湯浸 太棗 叁枚 芫硝 壹兩

每服伍錢水一盞半煎至八分去滓納芫硝更微沸

温服

陽明病肌浮而緊必潮熱發作有時但浮者必盜汗出

成浮為在經脈者裏實肌浮緊者表熱裏實也必發潮熱發作有時若肌但浮而不緊者止是表熱也必盜汗出盜汗者睡而汗出也陽明病裏熱者自汗表熱者盜汗

活人書冬月陽明潮熱肌浮而緊者發作有時但肌

浮者必盜汗黃芩湯主之 方見下利

讖語 陽明為病胃家實是也胃實則讖語故讖語宜入陽明門

成讖者謂呢喃而語也又作譫謂妄有所見而言也斯

皆胃中熱盛上乘於心心為熱冒則神識昏亂而語言

謬妄也輕者睡中呢喃重者寤亦謬語經謂讖語獨語

狂語及語言不休與言亂者由其熱之有輕重也 讖語

若與人言有次與獨語如見鬼者熱之輕也狂言無所知識甚則至于喊叫與語言不休者熱之甚也迨夫言亂乃狂言罵詈不避親疎此為神識已亂難可復制其得狂也 讖語之由又自不同有

火劫有汗出有下利有下血有燥屎在胃有二陽合病

有過經有亡陽等讖語者俱已條具于後茲不及贅諸

如此者肌短則死脉自和則愈又身微熱肌浮大者生

逆冷脉沉不過一日死或氣上逆而喘滿或氣下奪而自利皆為逆也

陽明胃實潮熱宜下陽明病譫語發潮熱脉滑而疾者小承氣湯主之因與承氣湯一盞腹中轉矢氣者更服一盞若不轉矢氣勿更與之明日不大便脉反微澀者裏虛也為難治不可更與承氣湯陽明病譫語有潮熱反不能食者胃中必有燥屎五六枚若能食者但鞭爾宜大承氣湯下之一陽併病太陽病罷但發熱手足熱汗出大便難而譫語者下之則愈宜大承氣湯陽明病其人多汗以津液出胃中燥大便必鞭鞭則譫

語小承氣湯主之若一服譫語止勿更服

胃實汗多宜下汗出譫語者必有燥糞在胃中此為風也須下之必過經乃可下下之若早語言必亂以表虛

裏實故下之則愈宜大承氣湯夫實則譫語虛則鄭聲

譫語者謂亂言無次數數更端也鄭聲者謂鄭重煩煩也只將一句舊言重疊頓言之終日殷勤不換他聲也

蓋神有餘則能機變而亂語數數更傷寒四五日脉沉而喘滿沉為在裏而反發其汗津液越出大便為難

表虛裏實久則譫語成氏謂鄭聲為鄭衛火後形作傷寒其脉不弦緊而弱弱者必渴被火者必譫語弱者發熱脉浮解之當汗出愈太陽病火劫汗

後身黃小便難身體枯燥頭汗腹滿微喘或不大便久
則譫語頭汗見 太陽病二日反躁乃熨其背而大汗出
 火熱入胃胃中水竭燥煩必發譫語十餘日悵慄自下
 利者此為欲解 少陰病欬欬而下利譫語小便難者
 被火氣劫汗故也吐下汗溫鍼後譫語柴胡證罷者此
 為壞病知犯何逆以法治之詳見
 汗後傷寒脉浮自汗小便數心煩微惡寒脚攣急反與
 桂枝欲攻其表此誤也若胃氣不和譫語者少與調胃
 承氣湯見方論 三陽合病腹滿身重難以轉側口不仁
 而面垢譫語遺尿發汗則譫語下之則額上生汗手足

逆冷若自汗出者白虎湯主之論見 傷寒四五日脉
 沉而喘滿沉為在裏而反發其汗津液越出大便為難
 表虛裏實久則譫語大承氣湯見大便 傷寒脉弦頭痛
 發熱者屬少陽少陽不可發汗發汗則譫語此屬胃胃
 和則愈胃不和則煩而悸見少 發汗多亡陽譫語者
 不可下與柴胡桂枝湯和其榮衛以通津液後自愈發
 汗多又重發汗者亡其陽譫語脉短者死脉自和者不
 死 諸逆發汗病微者瘥劇者言亂目眩者死
 下後傷寒八九日下之胸滿煩驚小便不利譫語一身
 盡痛不可轉側者柴胡加龍骨牡蠣湯方論

熱入血室陽明病下血譫語者此為熱入血室但頭汗
出者刺期門隨其實瀉之澱然汗出則愈腹滿譫語脈
期門太陽少陽併病發汗則譫語
脈弦五六日譫語不止者宜刺期門
婦人中風發熱
惡寒經水適來得之七八日熱除脈遲者身涼胸滿如
結胸狀者刺期門若晝則明了暮則譫語者無犯胃氣
及上二焦必自愈活人以小柴胡湯主之論見婦
人傷寒
傷寒十三日不解過經譫語者以有熱也當以湯下之
若小便利者大便秘而反下利脈調和者知醫以丸
藥下之非其治也若自下利者脈當微厥今反和者此
為內實也調胃承氣湯主之成傷寒十三日再傳經盡
謂之過經譫語者陽明胃

熱也當以諸承氣湯下之若小便利者津液偏滲大便
當鞭反下利者知醫以丸藥下之也下利脈微而厥者
虛寒也今脈調和則非虛寒由腸虛胃熱協熱而利也
與調胃承氣湯以下胃熱○經文內實之實當作熱注
偏滲偏當作漏○此段有五反一對熱與厥反湯與丸
反便鞭與下利反脈微與脈和反藥下與自利反小便
與大便鞭為一對
讀者宜細詳之

右下利譫語其曰脈調和而手足和小便利者陽也
故用承氣下之其脈當微厥及少陰但欲寐被火氣
劫汗譫語小便難者陰也故當用補劑和之但欲寐
語俱見下
利少陰條
許有久病傷寒下利身熱神昏多困譫語不得眠或
者見下利便以譫語為陰虛證予曰此亦小承氣證

衆駭曰下利而服小承氣仲景之法乎予曰此仲景之法也仲景云下利而譫語者有燥糞也屬小承氣湯而得解予嘗讀素問云微者逆之甚者從之逆者正治從者反治從多從少視其事也帝曰何謂反治岐伯曰塞因塞用通因通用王冰註云大熱內結注瀉不止熱宜寒療結復須除以寒下之結散利止則通因通用也正合於此又何疑焉

活大便秘小便赤手足溫脉洪數者必譫語也調胃承氣湯 譫語不惡寒反惡熱白虎湯 已得汗身和譫語者柴胡桂枝湯 火迫而致譫語亦白虎湯

海治老幼及虛人傷寒五六日昏冒言妄小便或淋或澀起卧無度或煩而不得眠並宜白虎湯加山梔一錢

斗治熱病及時疫心躁狂亂奔走狀似癲癩言語不定久不得汗及時疫不知人事者以人中黃不拘多少入罐內泥封固武火煨半日去火候冷取出於地上以盆蓋半日許研如麵新汲水調下三錢或未退再服愈人中黃即屎也

吳治傷寒熱甚心煩有痰神昏譫語者以竹瀝一盞生天花粉汁一盞服之或加好金子三五錢同煎妙

按此諸方內熱不禁下者可用

補虛素問云謔語者氣虛獨言也

婁全善云余用參芪歸木等劑治謔語得

愈者百十數豈可不分虛實二藥用黃連解毒大小承氣等湯以治之乎

難經云脫陽者

見鬼仲景謂亡陽謔語亦此義

海黃芪湯治傷寒或時悲哭或時嬉笑或時太息或

語言錯亂失次世疑作謔語狂言者非也神不守室

耳兩手脈浮沉不一舉按全無力浮之損小沉之亦

損小皆陰脈也甚者用調中丸或理中丸方見前補養條

丹浦江鄭兄年二十歲九月間發熱頭痛妄言見鬼

醫與小柴胡湯數貼熱愈其予視之形肥面亦帶白

却喜筋骨稍露診其脈弦大而數實脈本不實涼藥

所致此因勞倦成病與溫補藥自安遂以參朮為君

苓芍為臣黃芪為佐附子一片為使與二貼而證不

減或曰脈既數大狂熱而又大渴用附子誤矣予曰

此虛證而誤投寒涼之藥人肥而脈左大於右事急

矣非加附子參朮焉能有急効再與一貼乃去附子

作大劑與服至五十貼得大汗而愈自後又補養兩

月氣體方始平復一人五月內患謔語大發熱肢

體不能舉喜冷飲診其脈洪大而數用黃芪茯苓濃

煎如膏却用凉水調與之三四服後病者昏睡如死

狀但顏色不改氣息如常至次早方醒諸證悉退而安
盧克汗後再發熱妄言呂仲修汗後熱不退亦
妄言陶明節熱退後不識人言語謬妄皆用參芪朮
歸等補劑而愈信哉譫語屬虛者十居八九
陰證手足冷脈細微而譫語用四逆湯活人用白通湯
海藏用黃芪加乾薑湯

侯輔之痢極沉細外熱內寒肩背胸脇斑出十數點
語言狂亂或曰發斑譫語非熱乎予曰非也陽為陰
逼上入于肺傳之皮毛故斑出神不守舍故錯語如
狂非譫語也肌表雖熱以手按之須臾冷透如冰與

薑附等藥數日約二十餘兩得大汗而愈後因再發
脈又沉遲三四日不大便與理中丸三百內約半斤
其病全愈以此知侯公之狂非陽狂之狂乃失神之
狂即陰虛也

診直視譫語喘滿者死下利者亦死 譫語妄言身微
熱脈浮大手足溫者生逆冷脈沉細者不過一日死矣
鄭聲鄭字書曰鄭重頻煩也又曰殷懃也鄭聲謂止將
一事頻煩殷勤言之蓋神氣不足不能更易而但守一
聲與譫語之錯出不倫者異矣此虛實之分也成氏以
為鄭衛之聲迂而鑿矣治法於前補虛條求之

吳大抵鄭聲乃因內虛正氣將脫而言皆不足之貌如手足並冷脈息沉細口鼻氣息短少所說言語輕微無力氣少難以應息者皆元氣將脫也或吃逆不正神昏氣促不知人事者死如氣息不促手足頗溫其脈沉細而微者急以附子湯倍人參主之或以接氣丹黑錫丹兼進一二服以助其真氣也或濃煎人參徐徐與之或未可用附子者以三白湯倍人參主之

戴謔語屬陽鄭聲屬陰經云實則讖語虛則鄭聲讖語者顛倒錯亂言出無倫常對空獨語如見鬼狀鄭

聲者鄭重煩煩語雖謬而諄諄不已老年人遇事則諄語不休以陽氣虛故也此讖語鄭聲虛實之所以不同也二者本不難辨但陽盛裏實與陰盛隔陽皆能錯語須以他證別之大便秘小便赤身熱煩渴而妄言者乃裏實之讖語也小便如常大便洞下或發躁或反發熱而妄言者乃陰隔陽之讖語也裏實宜下調胃承氣湯熱燥甚而妄言不休大渴喜飲宜理中湯陰隔陽宜溫膽湯四逆湯附子理中湯 又有不係正陽明似困非困間時有一二聲謔語者當隨證施治 外有已得汗身和而言妄者此是汗出後

津液不和慎不可下乃非陽非陰者宜小柴胡湯和建中湯各半貼和榮衛通津液若陽傳入陰自利手足厥逆語或錯亂此雖已自利其中必有燥屎猶當下之陰中之陽宜調胃承氣湯瘀血在裏大便黑小便利小腹痛其人如狂譫語者桃核承氣湯婦人傷寒發熱經水適斷此熱入血室其血必結亦能譫語宜小柴胡湯病後血氣未復精神未全多於夢寐中不覺朱聲如魘此不係譫語鄭聲宜溫膽湯去竹茹入人參半錢或用六君子湯

狂亂

經曰邪入于陽則狂又曰重陽則狂諸經之狂為陽盛也傷寒熱毒在胃併於心至於發狂為邪熱極矣狂之發作少卧不饑妄語笑妄起行棄衣而走登高而歌甚則踰垣上屋皆獨陽亢極使之非吐下不能已亦有當汗不汗痰熱在裏下焦畜血而如狂者小便必利特如狂而未至於狂耳其或熏熨迫汗灼艾燒針令煩躁卧起不安則謂之火邪驚狂凡是數者各有條例其或狂言目反直視為腎絕汗出輒復熱狂言不能食皆死證也非藥石所能及矣

陽明病欲食小便反不利大便自調其人骨節疼翕翕
如有熱狀奄然發狂濈然汗出而解者此水不勝穀氣
與汗共併脈緊則愈成陽明病客熱初傳于胃胃熱則
消穀而欲食陽明病熱為實者則
小便當數大便當鞕今小便反不利大便自調者熱氣
散漫不為實也欲食則胃中穀多內經曰食入于陰長
血氣于陽穀多則陽氣勝熱消津液則水少經曰水入
于經其血乃成水少則陰血弱金匱要畧曰陰氣不通
則骨痛其人骨節疼者陰氣不足也熱甚于表者翕翕
發熱熱甚於裏者蒸蒸發熱此熱氣散漫不專著于表
裏故翕翕如有所蒸蒸發熱也忽然發狂者陰不勝陽也
內經曰陰不勝其陽者則脈流薄疾并乃狂陽明蘊熱
為實者須下之愈熱氣散漫不為實者必待汗出而愈
故云濈然汗出解也水穀之等者陰陽氣平也水不
勝穀氣是陰不勝陽也汗出則陽氣衰脈緊則陰氣生
陰陽氣平兩無偏勝不勝陽也汗出則陽氣衰脈緊則陰氣生
入府見表證汗出解理順見汗脈緊首尾如初函桂枝
湯主之此段發汗則愈○注

以陽為主水不勝穀乃陰不勝陽病漸向安故陰氣與
汗共併而散因見脈緊者陰寒脈也此則變熱入府
何以脈緊蓋由陰氣與汗共併然也且緊亦與長類長
為陽明本脈成氏所註汗出陽衰脈緊陰生陽衰陰生
則陰陽不平矣下文乃云陰陽氣平兩無偏勝不知何謂
在脈微而沉反不結胸其人發狂者以熱在下焦少腹
當鞕滿小便自利下血乃愈所以然者以太陽隨經瘀
熱在裏故也抵當湯主之或云桃仁承氣湯太陽病不解熱
結胸臑其人如在血自下者愈其外不解者尚未可攻
當先解外外解已但少腹急結者乃可攻之宜桃仁承
氣湯

張或云上一條證俱係下焦蓄血中間雖有輕重未

審緣何而致此也此皆發汗未得其宜或當汗不汗或汗遲或肌盛汗微或覆蓋不週而不汗其太陽之邪無從而出故隨經入府結于膀胱今小腹鞭滿若小便不利者血不蓄若小便利者乃蓄血證也血或不蓄為熱迫之血則自下血下則熱隨血出而愈若蓄血而不下其外不解者尚未可攻當先解外外已解但少腹急結者乃用桃仁承氣湯攻之此如狂者之所處也其發狂者則不然表證雖在肌已沉微邪氣傳裏其可已乎下之則愈故以抵當湯主之

太陽病身黃肌沉結少腹鞭小便不利者為無血也小便自利其人如狂者血證諦也抵當湯主之

傷寒肌浮以火迫劫之亡陽必驚狂起卧不安者桂枝湯去芍藥加蜀漆龍骨牡蠣救逆湯方論見驚汗家重發汗必恍忽心亂小便已陰痛與禹餘糧丸方見瘡

○附

陽毒活人云凡病人煩躁狂走妄言叫罵面赤咽痛鼻如烟煤或身斑如錦或下利赤黃此陽毒也表者陽毒升麻湯黑奴丸裏者大黃散楊仁齋用葶藶苦酒湯梔子仁湯三黃湯大黃散升麻葛根湯加大黃狂走者水調瓜蒂末吐痰

傷寒正氣 卷之三 四九

本治傷寒發狂棄衣奔走踰牆上屋鵠石散

黃連

寒水石 各等分

右為細末每服二錢濃煎甘草湯候冷調下

雲傷寒心風狂妄者宜防風黃連湯

黃連

大黃

防風

遠志

茯神 各半

右為細末每服一兩水煎服

海黃芪湯治傷寒或歌或笑或悲哭譫言妄語方見發執
陳志仁傷寒狂妄每欲狂走四五人扶捉不定脈虛數
用柴胡湯反劇以參芪歸木甘草陳皮煎湯二服狂定

再服安睡

脫陽者見鬼脫陰者發狂宜峻補其陰天地煎之類
是也天門冬地黃煎膏為之

陰證乃是病發于少陰不當止發汗醫見其惡寒遂強
發之汗因漏不止其人亡陽故狂大與陰極發躁同當
用陰躁之藥加以收汗之劑玉屏風散入熟附子一錢
仍外以溫粉傅之或冷汗自出手足逆冷其人狂不止
者宜四逆湯冷進

發狂而肌表雖或熱以手按之則冷透手或肩背胸膈
有斑十數點脈極沉細用乾薑附子湯以人參冷進

傷寒狂亂

軼之三

五十

循衣摸牀

循衣摸牀危惡之候也。有二證其。一由太陽中風以火劫汗因成壞病。捨衣摸牀。小便利者生。不利者死。其一由陽明裏熱之極。循衣摸牀。脈弦者生。濇者死。

太陽中風以火發汗。邪風被火。兩陽相薰。其身發黃。陽盛則欲衄。陰虛則小便難。但頭汗出口乾咽爛。或不大便。久則譫語甚者。至噦手足躁擾。捨衣摸牀。小便利者可治。汗詳頭傷寒若吐若下後不解。不大便五六日上

至十餘日。日晡所發潮熱。不惡寒。獨語如見鬼狀。若劇者。發則不識人。循衣摸牀。惕而不安。微喘直視。脈弦者。

生瀉者此散者且發熱譫語者大承氣湯主之若一服

利止後服成者吐若下皆傷胃氣不大便五六日上至

王于申酉戌日哺所發潮熱者陽明熱甚也

者表證罷也獨語如見鬼狀者陽明內實也以為熱氣

有餘若劇者是熱氣太甚也熱大甚于內腎胃正氣使

不識入至於循衣摸床揚而不安微喘直視傷寒陽勝

而陰絕者死陰勝而陽絕者死熱劇者為陽勝脈弦為

陰有餘脈澀則絕陰不足陽熱雖劇脈弦知陰未絕而猶

可至脈澀則絕陰不足陽熱雖劇脈弦知陰未絕而猶

但發熱譫語則不必盡劑此以熱未劇故云若一服利則

藥中病即止不必盡劑此以熱未劇故云若一服利則

止後服○此段當分作三截看自傷寒若吐若下後

不獨語如見鬼狀止為上一截是將潮熱譫語不惡寒

寒獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

不獨語如見鬼狀止為上一截是將潮熱譫語不惡寒

微喘直視如此熱極證危不可不決其死生以斷之
脈弦者生瀉者死此陽熱已極若脈弦為陰未絕猶可
下之以復其陰若去其微者二字混兩證通作一證總
人書但言瀉者而後脈弦者生瀉者死本劇者漸語移而
日用承氣湯又將脈弦者生瀉者死本劇者漸語移而
瀉于微者服藥之後豈有復發熱譫語無別惡候遽然
治下證乃是服承氣湯後未得大便蘊毒不泄脈反
微瀉為正衰和勝故難治此論中病微者服湯得利後
則邪熱因泄而解矣尚何生死之議耶又云弦者陽也
瀉者陰也陽病見陰脈者生在神景
法中弦瀉者屬陰不屬陽得無疑乎

許有人病傷寒太便利日哺發潮熱手循衣縫兩
手撮空直視喘急更數醫矣見之皆走此誠惡候得
之者十中九死仲景雖有證而無法但云脈弦者生
瀉者死已經吐下難以下藥謾且救之若太便得通

傷寒循衣摸床

卷之三

五十一

而脈弦者庶可治也與小承氣湯一服而太便利諸疾漸退脈且微弦半月愈或問曰下之而脈弦者生此何意也予曰金匱玉函云循衣妄撮怵惕不安微喘直視脈弦者生瀦者死微者但發執讖語者承氣湯主之予嘗觀錢仲陽小兒直訣云手尋衣領及捻物者肝熱也此證在玉函列於陽明部蓋陽明者胃也肝有熱邪淫于胃經故以承氣瀉之且得弦脈則肝平而胃不受克此所謂有生之理讀仲景論不能博通諸醫書以發明其隱奧吾未之見也海藏云許

衣撮是肝熱風淫未疾此論誠當然莫若以為肺執之邪其人必妄言亂語難經云肺邪入心為譫語

○附

婁嘗治循衣摸床數人皆用大補氣虛之劑惟一人兼調振脈代遂於補劑中略加桂二分亦振止脈和而愈

此書... 經云病人不惡寒而渴者此轉屬陽明也又曰
服柴胡湯已渴者屬陽明也故以渴入陽明門
也

正太渴

經云病人不惡寒而渴者此轉屬陽明也又曰服柴胡湯已渴者屬陽明也故以渴入陽明門也

成傷寒邪傳裏則渴邪在表則不渴夫三陽雖或有渴不如三陰之甚也故太陰腹滿噎乾少陰口燥舌乾而渴厥陰則消渴消渴者飲水多而小便少謂其熱能消水也蓋初傳則熱微而渴微傳深則熱甚而渴甚也凡渴與水勿令極意三陽微渴者五苓散大渴者白虎湯三陰熱甚而渴者順下之其或渴微而強多飲之則成悸動支結喘咳餽噦乾嘔腫滿下利小便不利皆由此也

太陽病發汗後大汗出胃中乾煩躁不得眠欲飲水者

傷寒論卷之二十一 少陰病篇第廿三

少少與之令胃氣和則愈若脈浮小便不利微熱消渴者五苓散張頌渴用白虎湯宜也其用五苓散滲津液用之今脈尚浮身有微熱而渴乃表證已解邪傳裏而煩渴者枝之辛和肌表白朮茯苓之甘淡以潤虛燥也○按此說亦未瑩太陽陽經也膀胱腑之甘淡以潤虛燥也○按此散者利溺藥也膀胱者津液之府故東垣以渴為膀胱經本病然則治渴者當瀉膀胱之發汗已脈浮數煩渴者五苓散 本以下之故心下痞與瀉心湯痞不解其六渴而口燥煩小便不利者五苓散 中風發熱六七日不解而煩有表裏證渴欲飲水水入即吐名曰水逆五苓散方

猪苓 去皮 拾捌銖 半兩
桂 去麋皮 拾捌銖 半兩

澤瀉 壹兩陸銖 半
白朮 拾捌銖 半

茯苓 拾捌銖

右五味為末以白飲和服方寸七日三服多飲暖水汗出愈

苓者令也通行津液射伐腎邪專為號令者苓之功也五苓之中茯苓為主故曰五苓散內經曰淡味滲泄為陽水飲內蓄須滲泄之必以甘淡為主故以茯苓甘草為君猪苓甘平為臣雖甘也終歸甘淡腫惡濕水飲內蓄則脾氣不治益脾勝濕必以甘溫為助故以白朮甘溫為佐內經曰鹹味滲泄必以甘溫為助內經曰腎惡燥急食辛以潤之散濕潤燥必以桂枝辛熱為使多飲暖水令汗出而愈者以辛散而水氣外泄故解

傷寒論 服桂枝湯太汗後大煩渴不解脈洪大者白虎加入參

湯 太陽病發熱而渴不惡寒者為溫病柴胡白虎桂
 枝去桂加人參 傷寒無大熱口渴燥渴心煩背微惡寒
 白虎加人參湯 傷寒脈浮發熱無汗其表不解者不
 可與白虎湯渴欲飲水無表證者白虎加人參湯主之
 渴欲飲水無表證者太陽陽證罷轉屬陽明也
 也下條意亦同皆太陽轉屬陽明故渴也 傷寒病若
 吐若下後七八日不解熱結在裏表裏俱熱時時惡風
 大渴舌上乾燥而煩欲飲水數升者白虎加人參湯主
 之王注云若純在表則惡風無時
 今表裏無熱故時時惡風也
 白虎加人參湯 治渴而脈洪小便利者
 石膏 碎肆兩 知母 壹兩半 甘草 壹兩

粳米 壹合

人參 伍錢

右咬咀每服壹兩水煎溫服

許有人初病嘔吐俄為醫者下之已七八日而內外
 發熱予診之曰當用白虎加人參湯或曰既吐復下
 且重虛矣白虎可用乎予曰仲景云若吐下後七八
 日不解熱結在裏表裏俱熱者白虎加人參湯正相
 當也蓋始吐者熱在胃脘而脈至今虛大三投湯而
 愈仲景既云傷寒若吐若下後七八日不解表裏俱
 熱者白虎加人參湯主之又云傷寒脈浮發熱無汗
 其表不解不可與白虎又云脈浮滑此以表有熱裏

傷寒論 卷之三 五十六
有寒白虎加人參湯主之。國朝林億校正謂張仲景於此表裏自差矣予謂不然大抵白虎能除傷寒中渴表裏發熱故前後二證或云表裏俱熱或云表熱裏寒皆可服之一種脈浮無汗其表不解全是麻黃與葛根證安可行白虎也林億見所稱表裏不同便謂之差是亦不思之過也

張用藥有遲速之弊故設法以關防法有闕防不盡者則著方以拯治也假如上一條前條乃仲景設法以關防也後條及傷寒病若吐若下後七八日不解結熱在裏表裏俱熱時時惡風大渴口舌乾燥而煩

欲水數升者以白虎加人參湯主之此二條則著方以拯治也夫白虎湯專治大煩大渴古人設法之意惟恐表證未罷而輒用之治有太速之弊若背微惡寒及時時惡風二證其中煩渴已甚非白虎不能遏也必候表邪俱盡未免有太遲之愆也此乃法之關防不盡者故著方以拯治也苟不著方必然違法此方法之妙所以不可偏廢也

吳或問白虎湯仲景以表不解者不可與又時時惡風背上惡寒者此有表也又以白虎主之何也蓋石膏辛寒解足陽明經本熱蒸蒸發熱潮熱表裏皆熱

舌燥煩渴之聖藥也且時時者時或惡風而不常也
背上惡者但覺微惡而不甚也所有盛熱躁渴而用
則無疑矣若夫表證惡寒常在背上惡寒而不燥渴
者切不可用也又太陽經發熱而渴無汗者不可與
之但汗後肌洪大而渴者則可與也如陰傷寒面赤
煩躁身熱與其胃虛惡心大便不實肌弱食少無大
執者切不可用也如候用之則傾危可立而待矣
太陽病重發汗而復下之不大便五六日舌上燥而渴
日晡小有潮熱從心下至少腹鞭滿而痛不可近者大
陷胸湯 傷寒發熱惡寒大渴欲飲水其腹必滿自汗

出小便利其病欲解此肝乘肺也名曰橫刺期門

陽明病汗出多而渴者不可與猪苓湯以汗多胃中燥

復利其小便故也白虎加人參湯小柴胡湯去半夏加瓜蒌竹葉○困其陽明汗多此陽明

病未解而渴胃中津液乾燥若與猪苓湯復利其小便是為實實虛虛之弊也陽明病肌浮

而緊咽燥口苦腹滿而喘發熱汗出不惡寒反惡熱身

重若渴欲飲水口乾舌燥者白虎加人參湯主之 若

肌浮發熱渴欲飲水小便不利者猪苓湯主之

少陽傷寒中風往來寒熱胸脇滿默默不欲飲食心煩

喜嘔或渴或欬者小柴胡湯若渴者去半夏加入參括

婁根 傷寒四五日身熱惡風項強脇下滿手足温而

傷寒論 卷之三
渴者小柴胡湯 得病六七日肌遲浮弱惡風手足温
醫二三下之不能食而脇下滿痛面目及身頸項強小
便難者與柴胡湯後必下重本渴而飲水嘔者柴胡不
可與也 或云下重渴欲飲水嘔者五苓加茵陳蒿湯

少陰 渴而下利屬少陰其病但無欲寐小便白者四逆

湯兼咳嘔不得眠小便不利者猪苓湯兼自利純青色

水者大承氣湯有執者白頭翁湯 方論見

厥陰 消渴氣上衝心心疼飢不欲食食則吐蛇若下之

則利不止若欲飲水少少與之愈 邪傳厥陰則熱已深也邪自太陽陽明至太

陰則腹滿而咽乾未成渴也邪至少陰則消渴而渴未成消也至厥陰而消渴者熱甚能消水故也飲水

多而小便少者謂之消渴木生于火肝氣通心厥陰客
熱氣上撞心中夜熱傷寒六七日厥陰受病之時為
傳經盡則當入府胃虛客熱飢不欲食蛇在胃中無食
則動聞食氣而出得食蛇出此熱在厥陰經也設使下
之虛其胃氣厥陰木邪相乘必吐下不止○按
成氏為表陽邪傳裏者非也消渴心中夜熱也

兼頭汗 隨病治例 渴而頭汗小便不利兼脇滿往來寒熱者柴

胡桂枝乾薑湯兼發黃者茵陳蒿湯 論見

兼咳嗽 表不解心下有水氣乾嘔發熱咳嗽或渴或利或噎或

小便不利少腹滿或喘小青龍湯 又心下有水氣咳

而微喘發熱不渴服湯已渴者此寒去欲解也小青龍

湯 俱宜去半夏 夏月汗出惡寒身熱足冷而渴者為中暑白虎加人參

暑 夏月汗出惡寒身熱足冷而渴者為中暑白虎加人參

表未解

表解

腹滿

結胸痞

欲飲不渴

湯及酒黃連主之

方見中暑惡寒身熱者證似表也足冷者不可表

發熱惡寒腹滿汗出小便利而渴者為肝乘脾刺期門

論見腹滿表解不惡寒而渴者宜白虎湯

渴而脇滿及往來寒熱其證未經汗者小柴胡去半夏

加人參瓜蒌湯若汗下後者柴胡桂枝乾薑湯

往來寒熱

渴而心下鞭痛日晡潮熱不大便者為結胸宜大陷胸

湯若但鞭不痛者為痞與瀉心湯不解反渴而小便不

利者宜五苓散

病在陽明應汗之反以冷水噴之灌之其熱益煩肉上

粟起意欲飲水反不渴者服文蛤散若不瘥與五苓湯

文蛤散方

文蛤 壹兩即海蛤粉也河間丹溪多用之大能治痰

右一味為散沸湯調服方寸匕

渴欲飲水而不能飲者丹由有熱胸中有寒

中風發熱六七日不解而煩有表裏證渴欲飲水水入

則吐者名曰水逆五苓散主之

渴欲飲水若太陽發汗後大汗出煩躁不得眠者及厥

陰病氣起衝心心疼吐衄者少與之愈

渴欲飲水者少與之

渴不能飲

水逆

少與之

論見前條

診

凡得時氣病至五六日而渴欲飲水不能多不當與之
 何者以腹中熱尚少不能消之更與水作病也至七八
 日大渴欲飲水者猶當依證與之與之常令不足勿極
 意也言能飲一斗與五升若飲而腹滿小便不利若喘
 若噦不可與之忽然大汗出是為自愈也活人云凡病
 飲水若小渴咽乾者少少
 呷潤之令其胃中和乃佳
 凡得病反能飲水此欲愈也但聞病飲水自愈小渴者
 亦強與之飲因成其禍不可復救活人云強飲水致飲
 以五苓散或
 陷胃湯主之 下利脈弱脈數而渴者自愈論見
 下利 渴
 而發熱其脈不弦緊而浮弱者汗出愈論見
 下利

禁忌

婁活人云切戒太陽證無汗而渴者不可與白虎湯
 陽明證汗多而渴者不可與猪苓湯然太陽渴終不
 可與白虎耶太陽證得汗後脈洪大而渴者方可與
 之也陽明渴終不可與五苓散耶陽明證小便不利
 汗少脈浮而渴者方可與之也
 趙活人切戒太陽證無汗而渴者不可與白虎湯陽
 明證汗多而渴者不可與五苓散愚詳仲景論治渴
 藥有不可與之戒有一傷寒脈浮發熱無汗渴欲飲
 水無表證者白虎加人參湯表不解不可與活人不
 云表不解但云無汗不可與則誤矣經云陽明汗多

而渴不可與猪苓湯活人改作五苓散蓋猪苓專滲
泄五苓兼汗利安得而改之經既云汗多而渴者不
可與猪苓湯而太陽傷寒汗出而渴復用五苓散者
蓋渴雖同汗之多寡則異太陽屬表未至汗多胃躁
故用五苓滲熱和表非若陽明屬裏汗多而胃躁也
經又云陽明發熱汗多急下之均是陽明汗多前證
戒利小便此證不戒利太便何也蓋渴者邪氣散漫
在經未收斂入胃作實此證不渴則內已作實外又
發熱恐熱內竭津液故急下之且猪苓五苓又有可
疑者太陽病脈浮小便不利微熱消渴者五苓散陽

明脈浮發熱渴欲飲水小便不利者猪苓湯脈證皆
同何故用藥之不同耶然太陽邪在表發汗不解故
用五苓和表行津液陽明邪已入裏熱客下焦故用
猪苓滲瀉其熱噫白虎猪苓五苓等藥若能證察于
機微治明于權變則可與不可與庶得仲景之妙外
有自利而渴條下註云傷寒熱入于藏流于少陰之
經少陰主腎腎惡燥故渴而引飲註用猪苓湯白頭
翁湯又後下利問中重出自利而渴條下却云腎虛
故引水自救通用白通四逆猪苓等湯一問以渴為
熱一問以渴為虛水炭不裨何憑分別又且分隸兩

門設使後人臨病檢閱前後兩不相聞疑誤豈小今
詳定少陰病欬而下利嘔渴心煩不得眠及厥陰證
下利欲飲水是皆傳經之邪熱脈必沉細數仲景故
以滑石黃連等清利之其或少陰自利而渴欲吐不
吐心煩但欲寐是直入本經之陰邪也脈必沉微仲
景故以附子乾薑溫之本問何不如如此明示脈證合
為一門而明辨之庶一見而兩得焉清之溫之隨其
攸利又何疑誤之有

吳凡渴當分六經而治太陽經標熱在表則不渴若
熱傳入膀胱之本則煩渴脈浮數小便不利也五苓

散切不可與白虎湯凡陽明病脈長標熱無汗而渴
者葛根解肌湯或六神通解散倍葛根以汗解之若
陽明熱傳于胃中本執熱熾熾汗出而渴脈浮洪
數者人參白虎湯五苓不中與也若陽明本熱或蒸
蒸而熱潮熱煩渴舌燥口乾飲水大便實者大柴胡
湯或調胃承氣湯下之若內未實尚未可下宜小柴
胡增損用之少陽脈弦數口苦咽乾發熱而渴者小
柴胡去半夏加瓜蒌根餘見本條太陰自利則不渴
惟少陰有口苦飲水小便色白者此下有寒也脈沉
者附子湯若身寒厥逆脈滑而口渴者此裏有熱也

人參白虎湯凡陰證煩躁口渴不能用冰肌沉足冷者宜四逆湯冷飲之凡傷寒時氣等證欲飲水者為欲愈蓋得水則能和其胃氣汗出而解不與水則乾燥無由而作汗遂致悶亂而死也凡與水須察病人勇怯邪熱輕重多少與之寧從不及不可太過恐水多不能消化停蓄為害多矣其水須用新汲井中者為良凡熱病熱甚大便實者以玄明粉一二錢加入水中飲之最妙凡中暑煩渴者加辰砂天水散調水中飲之尤良如虛人煩渴不飲水以燈心煎湯浸水中與之凡口渴細茶湯白梅湯棗豆湯皆可飲香水

梨雪梨嫩藕西瓜皆可食凡用冰須以涼水洗去酸味方可

戴凡渴問其所飲欲冷欲熱欲多欲少若飲多而欲冷者陽渴也更須審其有何證在經也其太陽證小便不利而渴者五苓散其陽明證大便不利而渴者宜於前本經求之已利猶渴宜白虎湯其少陽證寒熱往來而渴者小柴胡湯去半夏加括蕞根如其數陰亦有自利而渴各已見本經但陰有渴古人多用冷劑以其皆挾陽氣耳經雖陰而病則陽也然亦有下清穀不係熱利純是陰證而反見渴者此是陰在

下隔陽於上兼因洩瀉津液既去枯燥而渴其人雖引飲所飲自少而常喜溫不可投冷劑宜理中湯或四逆湯加入參一錢渴甚連理湯有陽證不渴陰證反渴者陽明不甚渴太陰乃大渴不可不知治渴一也有堅腎水而渴止者有利小便而渴愈者堅腎水則用天花粉之屬利小便則用茯苓猪苓之類蓋太陰以利小便為先陽明以利小便為戒少陽以膽經半表半裏未可下之其人或大渴不止當以小柴胡湯加天花粉之屬堅其腎水腎水既堅自還滲入大腸大便微通熱去而渴解若病在太陽太陽在腰

膀胱經非利小便則熱無從去渴何由愈外有非太陽證煩躁發渴此乃陰盛隔陽不當潤其渴惟當治其陰

○附

羅傷寒食少而渴者當以和胃之藥止之不可用涼藥止之也恐復損胃氣愈不能食白朮茯苓是也

海秦二母病太陰病三日不解後嘔逆惡心而脈不浮與之半硫丸二三服不止復與黃芪建中湯脈中極緊無表裏病胸中大熱發渴引飲皆曰陽證欲飲之水予反與薑附等藥緊脈反沉細陽猶未生以桂附薑烏之

類酒丸與百九接之二百中十餘服病人身熱煩躁不寧欲作汗也又以前丸接之覆以厚衣陽脈方出而作大汗翌日大小便始通下瘀血一盆如猪肝然用胃風湯加桂附三服血止其寒甚如此亦世所未見也少陰證口燥舌乾而渴尺寸脈俱沉沉遲則四逆湯沉疾則大承氣湯少陰口燥舌乾而渴身表涼脈沉細而虛者瀉心湯主之此有形無形藥也

人參湯 治傷寒七八日汗後心煩燥渴

- 人參
- 黃芩
- 柴胡
- 葛根 各壹兩
- 山梔
- 甘草 炙各半兩

右為麤末每服五錢薑棗煎溫服

活陽毒倍常燥盛大渴者黑奴丸主之方見風濕加

渴甚者宜瓜蒌湯方見中暑伏熱累治不瘥其人發

渴不已酒蒸黃連丸主之方見中暑

脈熱病在腎令人渴口乾舌焦黃赤晝夜欲飲水不止

腹大而脹尚不厭飲目無精光者死不治

嘔乾嘔欲吐

成嘔者聲物兼出也俗謂之哕非也夫哕與噦蓋字異而音義俱同吐者但吐出其物而無聲故有乾嘔而無乾吐嘔有責為熱者責為寒者至於吐家則悉言虛冷也嘔又有停飲者有胃脘有膿者皆當明辨之嘔而發熱者柴胡湯證具與其嘔不止心下急鬱鬱微煩大柴胡湯主之者是邪熱為嘔也膈上有寒飲乾嘔者不可吐也當溫之與其乾嘔吐涎沫頭痛者吳茱萸湯主之是寒邪為嘔也先嘔後渴者此為欲解先渴後嘔者為水停心下此屬飲家是停飲嘔者嘔家有癰膿不須治

傷寒

卷之三

三

[Faint bleed-through text from the reverse side of the page]

膿盡自愈是胃脘有膿而嘔也諸如此者雖有殊別太
抵傷寒表邪欲傳裏裏氣上逆則為嘔也是以半表半
裏證多云嘔也傷寒二百二陽為盡二陰當受邪其人
反能食而不嘔此為二陰不受邪是知邪氣傳裏者必
致嘔也至於乾薑附子湯證云不嘔不渴為裏無熱十
棗湯證云乾嘔短氣汗出不惡寒者此表解裏未和也
卽此視之其嘔為裏熱明矣嘔家之為病氣逆者必散
之痰飲者必下之千金曰嘔家多服生薑此是嘔家聖
藥是要散其逆氣也金匱要略曰嘔家用半夏以去其
水水去嘔則止是要下其痰飲也嘔多雖有陽明證不

可攻也謂其氣逆而未收斂為實也其嘔而肌弱小便
復利身有微熱見厥者已為難治蓋謂其虛寒之甚也
醫者必審其邪氣之虛實疾證之逆順為施藥劑治則
當矣

太陽病或已發熱未發熱必惡寒體痛嘔逆肌陰陽俱
緊者名曰傷寒麻黃湯 太陽病過經十餘日反二三
下之後四五日柴胡證仍在者先與小柴胡湯嘔不止
心下急鬱鬱微煩者為未解也與大柴胡湯下之則愈
按仲景雖曰嘔家雖有陽明證不可攻攻之為逆然陽
明伏熱重蒸清道而嘔且煩者非以苦寒直折之不可
也故用天 傷寒發熱汗出不解心下痞鞭嘔吐而下

利者大柴胡 太陽病過經十餘日心下溫溫欲吐而
 胃中痛大便反澹腹微滿鬱鬱微煩先此時自極吐下
 者與調胃承氣湯若不爾者不可與但欲嘔胃中痛微
 澹者此非柴胡證以嘔故知極吐下也成心下溫溫欲吐鬱鬱微煩胃中痛大便反澹腹微滿鬱鬱微煩先此時自極吐下者與調胃承氣湯若不爾者不可與但欲嘔胃中痛微澹者此非柴胡證以嘔故知極吐下也

中痛當責邪熱客於胸中大便反澹腹微滿則邪熱已下於胃也日數雖多若不經吐下止是傳邪亦未可下當與柴胡湯以除上中二焦之邪若曾吐下傷損胃氣胃虛則邪乘虛入胃為實非柴胡湯所能去調胃承氣湯下胃熱以嘔知胃氣先曾傷動也○按經文溫溫當作嘔嘔又以嘔下當有關文蓋嘔家正為柴胡證也豈逸微澹和嘔而發熱者小柴胡湯主之 傷寒六七日發熱微惡寒支節煩疼微嘔心下支結外證未去者柴胡加桂枝湯主之 太陽與陽明合病不利但嘔者

葛根加半夏湯主之活人云頭疼身熱痛肌熱日夜夜鼻乾麻浮而長是也
 葛根半夏湯方

- 葛根 半夏各貳錢 麻黃 生薑各壹錢半
- 甘草 芍藥 桂枝各壹錢 大棗貳枚

右咬咀以水一斗先煎麻黃葛根減二升去白沫納諸藥前取三升溫服一升覆取微汗

陽明傷寒發熱無汗嘔不能食而反汗出濇濇然者是
轉屬陽明也大柴胡湯 食穀欲嘔者屬陽明也吳茱萸湯
 主之得湯反劇者屬上焦也葛根半 傷寒嘔多雖有
 陽明證不可攻之黃芩生薑半夏湯小柴胡湯活人用桔梗湯

陽明病，脇下鞅滿，不大便而嘔，舌上白胎者，可與小柴胡湯。
陽明病反無汗而小便利，二三日嘔而欬，手足厥者，必苦頭痛。
或用真武湯去茯苓。

少陽嘔而往來寒熱，胸脇苦滿者，宜小柴胡若蕪下利者，乃大陽少陽合病，宜黃芩加半夏生薑湯。
論見往來利。○大陽陽明合病自下利為在表，當與葛根湯發汗。陽明少陽合病自下利者為在裏，可與承氣湯下之。此大陽少陽合病自下利為在表，非汗下所宜，故與黃芩湯以和解之。嘔者胃氣逆也，故加半夏生薑以散逆。

傷寒五六日嘔而發熱者，柴胡湯證具，而以他藥下之，柴胡證仍在者，復與柴胡湯。血弱氣盡，腠理開，邪氣因入，與正氣相搏，結于脇下，正邪分爭，往來寒

熱，休作有時，默默不欲飲食，藏府相連，其痛必下，邪高

痛下，故使嘔也。小柴胡湯主之。
邪氣外甚，陽不主裏，裏氣不和，氣下而不上者，但下利而不嘔，裏氣上逆而不下者，但嘔而不下利也。與小柴胡湯以解半表半裏之邪。

渴而飲水嘔者，柴胡不中與也。
活人云：宜治膈間水赤。

太陰太陰之為病，腹滿而吐，食不下，自利益甚，時腹自痛，若下之，必胸下結鞅。

少陰病下利六七日，欬而嘔，渴，心煩不得眠者，猪苓湯主之。
少陰病下利，脈微澀，嘔而汗出，必數更衣，反少者，當溫其上，灸之。

少陰病二三日不已，至四五日，腹痛，小便不利，四肢沉重疼痛，自下利者，此為有水氣，其

人或欬或小便利或下利或嘔者真武湯去附子加生薑

厥陰傷寒熱少厥微指頭寒默默不欲食煩躁數日小

便利色白者此熱除也欲得食其病為愈若厥而嘔胸

脇煩滿者其後必便血黃芩芍藥湯抵當湯嘔而脈

弱小便復利身有微熱見厥者難治四逆湯傷寒本

自寒下醫復吐下之寒格更逆吐下若食入口即吐乾

薑黃連黃芩人參湯傷寒邪自傳表為本自寒下醫反

吐下損傷正氣寒氣內為格拒經

曰格則吐逆食入口即吐謂之寒格更復吐下則重虛

而死是更逆吐下與乾薑黃芩人參湯以通寒格也

仲景之意以本因寒下醫復吐下因成寒格吐證經云

格則吐逆若更復吐下治之為逆故用乾薑以溫裏黃

連黃芩反佐以取之人參補正氣也今活人却言關脈

連故用此藥何耶雖然脈遲為胃中虛冷而吐者固也

又有脈數為胃中虛冷而吐者仲景嘗言之矣病人脈

數數為客熱當消穀引食而反吐者此以發汗令陽氣

微高氣虛脈乃數也數為客熱不能消穀以胃中虛

冷故吐也今以其脈異證同故引此以為診視之別

蚘厥者其人當吐蚘今病者靜而復時煩此為藏寒蚘

上入膈故煩須更復止得食而嘔又煩者蚘聞食臭出

其人當自吐蚘烏梅丸詳吐

渴先渴却嘔者為水停心下此屬飲家活人云赤茯苓

先嘔却渴者此為欲解候也金匱云嘔思

下利嘔而下利有寒熱者為陽宜黃芩湯大柴胡湯無

熱者為陰宜猪苓湯真武湯並見吐利門

易與編

煩嘔而心煩若汗吐下後者梔子生薑豉湯若未曾吐汗下後兼欬而渴者宜猪苓湯詳見不嘔家有瘧膿者不必治膿盡自愈 服桂枝嘔者酒客病

戴陽明證具雖顯然有可下證者兼之嘔多猶屬上焦未可遽下宜小柴胡湯若太陽不與少陽陽明合病而獨見太陽證或吐瀉者恐病人區間素有痰飲停飲傷滯且以一陳湯定之候嘔吐定徐進解太陽經藥若先嘔却渴者宜猪苓湯先渴却嘔者宜治高間之水小半夏茯苓湯渴欲飲水水入即吐吐已復

渴名曰水逆由心經受熱而小腸不利也宜五苓散若少陰不渴而吐或乾嘔者理中湯去白朮加生薑嘔而吐涎沫者吳茱萸湯 太陰厥陰間有嘔吐太陰宜理中湯厥陰宜四逆湯並加生薑煎已上陰證乃陰中之陰宜用熱劑陽入陰者能為利而不為嘔嘔屬上而近於外也陽之所入者深故利也 又有陽證病新瘥後見嘔別無所因此餘熱在胃脘也宜竹葉石膏湯或橘皮竹茹湯 大凡得之太陽而嘔者必是合病嘔乃病漸入內非正太陽也曾記有人初得病太陽證有嘔吐不往藥投暖劑莫能治之知

太陽已汗解固當用冷劑是太陽見嘔非合陽明則合少陽其嘔為熱用暖劑非矣 又記有人初病具太陽證而嘔一家少長患狀悉類與養胃湯入服無不立効此時行之氣適然如此是為傷寒雜病又非可以正經傷寒律之也

吳初得之嘔逆嘔噦清水嘔吐飲食者皆着寒傷胃也如惡寒拘急未發熱而嘔逆或吐食者宜加減藿香正氣散或人參養胃湯若已發熱者十味芎蘇散發散或葛根湯加生薑半夏若自汗者不可發汗宜正氣散去紫蘇以和之凡發熱口苦脈弦數而嘔心

煩而嘔胸脇滿而嘔往來寒熱而嘔日晡發熱而嘔皆屬少陽並小柴胡倍加半夏生薑主之熱少減黃芩口乾加葛根括蕞根心煩加薑汁炒黃連心下痞滿加枳實若潮熱肉實不大便嘔不止心下鬱鬱微煩者大柴胡下凡嘔吐胃家有熱脈弦數口苦煩渴胃有寒脈弦遲逆冷不食有水氣先渴後嘔腹滿怔忡有膿血喉中腥氣奔逆上衝不煩治之嘔膿盡自愈此四者不可不辨凡太陰腹滿吐食不下或腹痛嘔吐脈沉者理中湯加半夏陳皮藿香厚朴生薑之類寒甚加附子凡少陰飲食入口即吐心下溫溫欲

吐復不能吐手足寒脉沉細者四逆湯加半夏生薑
橘皮之類凡厥陰嘔吐涎沫逆冷脉沉微者吳茱萸
四逆湯加半夏生薑陳皮之類

乾嘔欲吐大陽中風陽浮而陰弱陽浮者熱自發陰弱
者汗自出齋齋惡寒淅淅惡風翕翕發熱鼻鳴乾嘔者
桂枝湯傷寒表不解心下有水氣乾嘔發熱而欬或
渴或利或噎或小便不利少腹滿或喘者小青龍湯

張或問小青龍與小柴胡證皆嘔而發汗表裏之證
大槩彷彿何故一方用藥之不同曰夫傷寒表不解
裏熱未甚而渴欲飲水不能多不當與之以腹中熱

尚少而不能消水飲停蓄故作諸證然水寒作病非
溫熱之劑不能解故用小青龍湯發汗散水原其理
初無裏證因水寒以致然也夫小柴胡證係傷寒發
熱熱邪傳裏在于半表半裏之間熱氣內攻故生諸
證緣一證雖曰表裏俱病其中寒熱不同故用藥有
薑桂柴苓之異也

傷寒中風醫反下之其人下利日十數行穀不化腹中
雷鳴心下痞鞭而滿乾嘔心煩不得安醫見心下痞謂
病不盡復下之其痞益甚此非熱結但以胃中虛客氣
上逆故便鞭也甘草瀉心湯傷寒一日太陽受之脉

傷寒論 卷之三
若靜者為不傳，煩欲吐，若躁煩，脈數急者，為傳也。宜與麻黃湯。表罷，小柴胡白虎湯。傷寒胸中有熱，胃中有邪氣，腹中痛，欲嘔吐者，黃連湯。太陽中風，下利嘔逆，表解者，可攻之。其人漿漿汗出發作，有時頭痛，心下痞，鞭滿，引脇下痛，乾嘔短氣，汗出不惡寒者，此表解裏未和也。十棗湯。太陽病不解，轉入少陽者，脇下鞭滿，乾嘔不能食，往來寒熱，尚未吐下，脈沉緊者，與小柴胡湯。
張或云乾嘔脇痛小柴胡十棗湯皆有之一和解一攻伐何也蓋小柴胡病在半表半裏間外有寒熱往來內有乾嘔諸病所以不可攻下宜和解以散表裏之邪夫十棗湯證外無寒熱其人漿漿汗出此表已解也但頭痛心下痞鞭滿引脇下痛乾嘔短氣者邪熱內蓄而有伏飲是裏未和也與十棗湯以下熱逐飲已上二十證宜

從表證以決有表證而乾嘔脇痛者，乃柴胡湯證也。無表證而乾嘔脇痛，即十棗湯證也。上文所言頭痛者，而飲家有此證，不可以常法拘，仲景所以述此者，恐後學見其頭痛，以為表不解而不敢用也。食穀欲吐者，屬陽明也。吳茱萸湯得湯，反劇者，屬上焦也。小柴胡湯，梔子豉湯，黃芩湯。食穀欲吐者，胃不受也。與吳茱萸湯，以溫胃得湯，反劇者，上焦不納也。少陰病，飲食入口，即吐，心中嘔嘔，欲吐不能吐，始得之，手足寒，脈弦遲者，此胸中實，不可下，當吐之。若膈上有寒飲，乾嘔者，不可吐也。急溫之，宜四逆湯。少陰病，下利不止，厥逆無脈，乾嘔煩者，白通加豬膽汁湯。少陰病，下利清穀，裏寒外熱，手足厥冷，脈微欲絕，身反不惡寒，其人面赤色，或腹痛，或乾嘔，或咽痛，或利

正脈不出者通脈四逆湯 少陰病欲吐不吐心煩但欲寐五六日自利而渴者屬少陰也 太陰病脈微細沉但欲臥汗出不煩自欲吐至五六日自利復煩躁不得臥者死 病解後虛羸少氣欲吐者竹葉石膏湯

○附

赤茯苓湯 治傷寒嘔噦心下滿胃膈有停水頭眩心

悸

赤茯苓

人參 各壹兩

半夏 薑製

橘紅

芫蕪

白朮 各半兩

右咬咀每服四錢薑五片水煎服

葛根湯 治傷寒乾嘔不止

葛根

人參

麥門冬 去心

炙甘草 各壹兩

半夏 薑製

黃芪 各柒錢半

白茯苓

白朮 各半兩

右咬咀每服三錢生薑三片棗二枚同煎服

少陽病 口苦咽乾 眩 往來寒熱 胸脇痛

胸滿 胸痛 耳聾

少陽經治法雖悉屬和解然有誤汗譏語屬胃一證宜調胃下之少陽雖無汗解之法然有小柴胡加薑桂者亦溫解微汗之意又此經本證曾脅痛耳聾寒熱往來乾嘔或嘔苦水宜小柴胡湯和解之倘不解者却宜大柴胡湯下之若胃脇多痰瓜蒂散吐之斯仲景之微旨也

和解 小柴胡湯 小柴胡加桂湯

吐 瓜蒂散

易經

卷之三

三

白芍 白朮 白木 杏仁 黃連 麥門冬 人參 薑 瓜 柴胡 枳實 芍藥 芩 苓 桂 枝 甘草 大 小 柴 胡 湯 瓜 蒂 散 小 柴 胡 加 桂 湯

下 調胃承氣湯 大柴胡湯

少陽之病，口苦咽乾，目眩也。足少陽者，膽經也。內經曰：有病口苦者，名曰膽癰。甲乙經曰：膽者中精之府，五臟取決於膽，咽乾為之，使少陽之脈起於目，銳眦，少陽受邪，故口苦咽乾，目眩。活人云：宜小柴胡湯。

尺寸俱弦者，少陽受病也。以其脈循脇絡於耳，故胸脇痛而耳聾。查少陽篇有胸脇滿而無痛證，或云少陽病耳聾目赤胸滿而煩。

耳故胸脇痛而耳聾。為中風，口苦咽乾，目眩，為傷寒。

少陽中風，兩耳無所聞，目赤，胸中滿而煩者，不可吐下，吐下則悸而驚。誤吐氣虛者悸，誤下血虛者驚。

傷寒脈弦細，頭痛發熱者，屬少陽。少陽不可發汗，發汗則譫語。此屬胃不和，則愈。胃不和則煩而悸。成經曰：三部受病，脈細者邪漸傳裏，雖頭痛發熱為表未解，以脈弦細知邪客少陽為半在表，半在裏，則不可發汗，發汗亡

津液，胃中乾燥，少陽之邪因傳入胃，必發譫語。當與調胃承氣湯下之。胃和則愈。不下則胃為少陽木邪，其故煩而悸。凡頭痛俱為在表，惟此頭痛為少陽者，何以脈弦細也。可汗不可汗，當以此為法。此少陽陽明

重則小承氣湯，則大柴胡蓋少陽不可下。陽明不可承氣主之，誤矣。調胃承氣。傷寒三百少陽脈小者，欲太陽陽明藥也，不可不審。

已也。因內經曰：大則邪至小，則平。傷寒三日邪傳少陽病，欲解時從寅至辰上。內經曰：陽中之少陽，通於春氣，寅卯辰少陽木旺之時。

海辨表裏中三說假冷少陽證頭痛往來寒熱脈浮此三證但有一即為表也。口失滋味腹中不和大小便或閉而不通，或泄而不調，但有一即為裏也。如無上下表裏證，餘皆虛熱也，是病在其中矣。

易經以易病

張或謂少陽膽經繫紆盤屈皆多于各經及觀少陽篇中治證至簡又不聞何藥為本經之正法何也夫經絡所據太陽在後以為表陽明在前以為裏少陽在側夾于表裏之間故曰半表半裏治法在表者宜汗在裏者宜下既居兩間非汗下所宜故治療無正法也經曰少陽中風兩耳無聞目赤胸中滿而煩者不可吐下吐下則悸而驚上條又云不可發汗似此其汗下吐三法皆少陽所忌其劑不過和解而已所以仲景止以小柴胡湯而為用至當也然而經絡支別雖多所行非由正道故為病亦不能多矣

口苦咽乾

口乾

舌乾

咽不利

口爛

成咽乾口燥舌澀俱為執證但有微甚耳惟太陽中寒桂枝附子湯證由誤汗咽乾作甘草乾薑湯以復其陽者隨其逆治壞病者也非治其本寒也然咽乾之由有由汗下後而得者有不因汗下而得者其間治法或和解或微汗或急下或微下當考兼有之證而施輕重之治然其為熱則一也蓋經謂咽喉乾燥亦不可汗以其多有裏證故也實無寒病善治者尤宜互考渴條乃獲全功

太陽

咽喉乾燥者不可發汗

津液不足也 傷寒脈浮自汗

傷寒口燥
小便數心煩微惡寒脚攣急本桂枝附子湯證反與桂枝湯攻表得之便厥咽乾煩躁吐逆者甘草乾薑湯傷寒吐下後七八日不解表裏俱熱時惡風大渴舌上乾燥而煩者白虎加人參湯本下之心下痞與瀉心湯痞不解其人渴而口燥煩小便不利者五苓散太陽病重發汗復下之不大便五六日舌上燥渴日晡小有潮熱從心下至小腹硬滿而痛者大陷胸湯陽明病腹滿脈浮緊口苦咽乾而喘若其人發熱惡寒誤下之則腹滿小便難若其人發熱不惡寒反惡熱誤下之則胃空虛為懊憹誤下之則譫語誤加燒針則不

得眠許學士云宜小柴胡湯陽明病口燥漱水不欲嚥者必衄或用黃芩芍藥湯犀角地黃湯陽明病汗若下後渴欲飲水口乾舌燥者白虎加人參湯脈浮發熱口乾鼻燥能食者必衄或用黃芩湯陽明中風口苦咽乾腹滿微喘發熱惡寒脈浮而緊或用葱黃小柴胡湯少陽口苦咽乾目眩宜小柴胡湯少陰病自利清水色純青心下痛口乾燥者急下之宜大承氣湯少陰病得之二三日口燥咽乾者急下之宜大承氣湯成傷寒傳經五六日邪傳少陰則口燥舌乾而渴為邪漸深也今少陰病得之二三日邪氣未深入之時便作口燥咽乾者是邪熱已甚腎水乾也急與大承湯下之以全腎也正經自病其深入宜急

傷寒口燥
失之三

下之若躁則死腎水乾燥故也○張或云承氣湯陽明
當下之證宜用今少陰病亦用何也蓋胃為水穀之海
土養四旁四旁有病皆能傳之入胃其胃土燥則腎水
乾以一二三日則口燥咽乾是熱之深傳之速也故曰急
下之以全腎水夫土實則水清謂水穀不相混故自利
清水而口乾燥此胃土實熱而致然也下利色青者肝
也乃肝邪傳腎綠腎之經脈從肺出絡心注胸中由是
而心下痛故急下以去實熱逐腎邪其六七自腹脹不
大便以入府之邪壅甚胃土勝則腎涸故急下以逐胃
熱滋腎水蓋陽明與少陰皆有急下之條然而證雖不
同其入府之理則一是以皆用太承氣也○按舌乾輕
咽乾重者蓋咽舌雖皆通于少陰之絡而舌又為心之
苗也傷寒者蓋陽而惡陰故舌乾為輕也

厥陰傷寒六七日大下後寸脈沉而遲手足厥冷下部
脈不至咽嗑不利唾膿血泄利不止者難治麻黃升麻
湯傷寒一二日至四五日而厥者必發熱應下之反

發其汗必口傷爛赤

吳少陰脈疾可下脈沉附子湯加知母黃蘗麥門冬
五味子天花粉若虛熱病後煩熱不解者以竹葉石
膏湯須去半夏加天花粉潤之凡發汗吐下後口燥
咽乾此津液衰少腎水不升虛火上炎也宜生津益
氣湯或竹葉石膏湯若脈沉微足冷舌燥者多難治
其少陰有急下以救腎水之例若虛人水竭火燥不
可下者以補中益氣湯倍加人參五味麥門冬天花
粉黃蘗知母以滋水也
狐惑病亦咽乾默默不欲眠目不能閉聲啞咽乾為狐

惑但蟲蝕下部者為狐其咽乾下唇有瘡黃連犀角湯
趙活人謂脾藏有熱則津液枯少故令口燥而咽乾
津液枯少固也然非獨脾藏有熱脾主太陰太陰腹
滿而咽乾此可言脾熱特一證耳餘皆非也如白虎
加人參湯證口舌乾燥者表裏俱熱也口苦咽乾者
少陽經熱或陽明中風也口燥咽乾急下之自利清
水色純青心下痛口乾燥者少陰經熱也咽乾煩躁
吐逆者誤汗津液少而欲作陽明內熱者如上數
證豈亦脾藏有熱哉

眩

凡傷寒頭眩者莫不因汗吐下虛其上焦元氣之所致
也眩者目無常主頭眩者俗謂頭旋眼花是也眩冒者
昏冒是也少陽口苦咽乾目眩者少陽居表裏之間以
表邪漸入于裏表中陽虛故目眩也太陽少陽併病或
眩者責其虛也傷寒有起則頭眩與眩冒者皆汗吐下
後所致是知其陽虛也故針經曰上虛則眩下虛則厥
眩雖為虛又陽明中風但頭眩不惡寒者此又風主眩
也凡此皆非逆候及其諸逆發汗劇者言亂目眩者死
噫病勢已成可得半愈及病已劇神醫莫為也

大陽傷寒者吐若下後心下逆滿氣上衝胸起則頭眩
脈沉緊發汗則動經身為振振搖者茯苓桂枝白朮甘
湯主之吐下後裏虛氣上逆心下逆滿氣上衝胸表虛
陽不足起則頭眩脈浮緊邪在表當發汗脈沉
邪在裏不可汗汗則外動經絡損傷陽氣則不能主
持諸脈身為振振搖也與此湯以和經氣血陽○真武湯
主之汗後補不止用傷寒吐下後發汗虛煩脈甚微
八九日心下痞鞭脇下痛氣上衝咽喉眩胃經脈動惕
者久而成痿傷寒上下後發汗則表裏之氣俱虛虛煩
脈甚微為正氣內虛邪氣獨在至七八日
正氣當復邪氣當罷尚心下痞脇下滿氣上衝咽喉眩
胃者是正氣未復而邪留也經脈動惕者經絡之氣虛
極久則熱氣還經必成痿弱○或
用真武湯桂枝茯苓白朮甘草湯

太陽少陽併病心下鞭頸項強而眩者當刺大椎肺俞

禁下 太陽少陽併病頭項強痛眩冒時如結胸心下

痞鞭刺大椎第十一間肺俞肝俞禁發汗汗則譫語脈弦

五六日譫語不止刺期門 陽明病脈遲食難用飽飽則微煩頭眩必小便難欲作

穀疸須下之腹滿如故所以然者脈遲故也見前陽明

陽明病但頭眩不惡寒故能食而欬其人必咽痛若

不欬者咽不痛陽明病身不重但頭眩而不惡寒者陽
明中風而風內攻也經曰陽明病若能
食名中風風邪攻胃胃氣上逆則欬咽門者胃之系欬
甚則咽傷故咽痛若胃氣不逆則不欬其咽亦不痛也
○四逆散加桔梗小柴胡乃
本經中風非傷寒小承氣湯

少陽少陽之病口苦咽乾目眩也小柴胡湯加
天麻川芎

少陰病下利止而頭眩時時自冒者死

下利則水穀竭眩冒則陽氣脫

死故

動氣在左誤汗則頭眩汗不止筋惕肉瞤

方論見動氣活人云宜小

建中

湯中諸逆誤汗而言亂目眩者死

論見

吳天陽中風頭眩頭搖者脈浮弦而急也羌活神朮

湯加防風天麻之類若血虛頭眩者以四物湯加人

參天麻之類若痰火上攻者加酒芩竹瀝之類若肉

傷勞役陰虛頭眩者宜補中益氣湯加川芎天麻防

風蔓荊子之類若下焦元氣虛脫者宜入參養榮湯

或大建中湯加天麻曾治一婦人服藿香止氣二劑

汗出過多頭眩身搖發熱脈虛數遂用人參養榮湯
倍加人參為主加天麻少佐酒炒黃蘗二服而愈易
老曰頭旋目黑非天麻不能除故加之少加黃蘗以
救腎水也

往來寒熱

成往來寒熱者寒已而熱作熱已而寒起蓋寒為陰熱為陽裏為陰表為陽邪客于表與陽爭則發寒矣邪入于裏與陰爭則發熱矣表邪多則寒多而熱少裏邪多則熱多而寒少邪在半表半裏之間外與陽爭而為寒內與陰爭而為熱表裏之不拘內外之無定由是寒熱往來而無常也故以小柴胡立諸加減法以和解之又寒熱如瘧與夫往來寒熱似是而非也如瘧者止作有時正氣與邪爭則作分則止矣往來寒熱則止作無時或往或來日有三五發或者十數發此其與瘧異也雖

首物寒往來寒熱

八三

辨證

法曰惡寒且黑非天運不指斜時也之必也黃蘗黃芩
或或人參為主以木香少許酒炒黃蘗二兩以黃芩
升山黃參四兩以木香少許酒炒黃蘗二兩以黃芩

中六三

八三

然往來寒熱屬半表半裏當和解之又有病至十餘日
熱結在裏復往來寒熱亦宜大柴胡下而愈 趙傷寒
百問歌第五十九問中以陰陽相勝陽不足則先寒後
熱陰不足則先熱後寒此特論陰陽雜病二氣自相乘
勝然也非可以語傷寒

傷寒五六日中風往來寒熱胸脇苦滿默默不欲飲食
心煩喜嘔或胸中煩而不嘔或渴或腹中痛或脇下痞
鞭或心下悸小便不利或不渴身有微熱或咳者與小
柴胡湯主之 成病有在表者有在裏者有在表裏之間
五六日邪氣自表傳裏之時中風者或傷寒至五六日
也玉函曰中風五六日傷寒往來寒熱即是或中風或

傷寒非是傷寒再中風中風傷傷寒也經曰傷寒中風
有柴胡證但見一證便是不必悉具者正是謂或中風
或傷寒也邪在表則寒邪在裏則熱今邪在半表半裏
之間未有定處是以寒熱往來也邪在表則心腹不
邪在裏則心腹脹滿今止言胸脇苦滿知邪氣在表裏
之間少陽行身之側脅脇為少陽之部故經曰其脈循
脇絡於耳故脅痛而耳聾默默也邪在表則呻吟
不安邪在裏則心煩悶亂內經曰陽入之陰則靜默默
者邪在表則能食邪在裏則不能食邪在表則能食邪在
裏則不能食不欲飲食者邪在表裏之間未至於必不
不能飲食也邪在表則不煩不嘔邪在裏則煩滿而嘔
心煩喜嘔者邪在表方傳裏也邪初入裏未有定處則
所傳不一故有或為之證有柴胡證 本太陽病不解
轉入少陽者脇下鞭滿乾嘔不能食往來寒熱尚未吐
下脈沉緊者與小柴胡湯 國太陽轉入少陽是表邪入
寒熱邪在半表半裏之間若已經吐下脈沉緊者邪氣
入府為裏實尚未可吐下脈沉緊為傳裏雖深未至入

柴胡湯以和之解之。若已吐下發汗溫針譫語柴胡湯證罷此為壞病知犯何逆以法治之。因少陽之邪在表裏之間若安吐下發汗溫鍼損耗津液胃中乾燥木邪干胃必發譫語若柴胡證不罷者則不為逆柴胡證罷者壞病也詳其因何治之逆以法治之○救壞病○傷寒五六日已發汗助榮衛生津液桂枝湯求之

而復下之胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯主之。難知曰若用柴胡而移時于早晚氣移于血血移于氣是邪無所容之地故知其欲自解也○傷寒五六日已經汗下之後則邪當解今胸脇滿微結小便不利渴而不嘔但頭汗出往來寒熱心煩者則邪氣猶在表裏之間為未解也胸脇滿微結寒熱心煩者邪在半表半裏之間也小便不利而渴者汗下後亡津液內燥也若熱消津液令小便不利而渴者其人必嘔今渴不嘔知非裏熱也傷寒汗出則和今但頭汗出餘處無汗者

津液不足而陽虛干上也與柴胡桂枝乾薑湯以解表裏之邪復津液以助陽也。血弱氣盡

腠理開邪氣因入與正氣相搏結於脇下正邪分爭往來寒熱休作有時默默不欲飲食藏府相連其痛必下邪高痛下故使嘔也小柴胡湯主之。按血弱氣盡至結於脇下是釋胃脇苦滿句正邪分爭二句是釋往來寒熱句倒裝法也默默不欲飲食兼上文滿痛而言藏府相連四句釋心煩喜嘔也

小柴胡湯方

- 柴胡 半斤
- 半夏 湯洗 半升
- 人參
- 甘草
- 黃芩
- 生薑 各參兩
- 大棗 十一枚

易經在來寒熱

右七味以水一斗二升煮取六升去滓再煎取三升
温服一升日三服

因內經曰熱淫于內以苦發之柴胡黃芩之苦以發
傳邪之熱裏不足者以甘緩之參甘草之甘以緩
中和之氣邪半入裏則裏氣逆辛以散之半夏以除
嘔邪在半表則榮衛爭之辛甘解之薑棗以和榮衛
加減法用此加減法

若胸中煩而不嘔去半夏人參加括蕪實一枚胸中
不嘔熱聚而氣不逆也甘者令入中滿方熱聚無用
人參之補辛散逆氣既不嘔無用半夏之辛温熱宜
寒療聚宜苦括蕪若渴者去半夏加人參合前成四
兩半括蕪根肆兩而潤括蕪根苦而涼微熱生津
物為若腹中痛者去黃芩加芍藥三兩去黃芩惡寒
當

通壅○通壅功若脇下痞鞭去大棗加牡蠣四兩甘
少止痛功大若心下悸小便不利者
以入中滿痞者去大棗之甘鹹若心下悸小便不利者
以入中滿痞者去大棗之甘鹹去黃芩加茯苓四兩飲而水菴不行為悸小便不利
得若則水益堅故去黃芩淡味若不渴外有微熱者
去人參加桂二三兩温覆取微汗愈不渴者裏和也故
表未解也加若欬者去人參大棗生薑加五味子半
升乾薑二兩欬者氣逆也甘則壅氣故去人參大棗
之酸以收逆氣肺寒則欬散以
辛熱故易生薑以乾薑之熱也傷寒邪氣在表者必清形以為汗邪氣在裏者必蕩
滌以取利其於不外不內半表半裏是當和解則可

也小柴胡和解表裏之劑內經曰熱淫于內以苦發之邪在半表半裏則半成熱矣熱氣內傳變不可測須迎而奪之必先散熱是以苦寒為主故以柴胡為君黃芩為臣以成徹熱發表之劑邪氣傳裏則裏氣不治故用人參甘草為主以扶正氣而復之也邪初入裏氣必逆也是以辛散之物為之助故用半夏為佐以順逆氣而散邪也裏氣平正則邪氣不得深入是以三味佐柴胡以和裏內經曰辛甘發散為陽表邪未已迤邐內傳既未作實宜當兩解其在外者必以辛甘發散故用生薑大棗為使輔柴胡以和表也

七物相合兩解之劑當矣邪氣自表未斂為實乘虛而湊則所傳不一故有增損以禦之胸中煩而不嘔煩者熱也嘔者氣逆也煩而不嘔則熱聚而氣不逆邪氣欲漸成實也人參甘補去之使不助熱也半夏辛散去之以無逆氣也除熱必以寒泄熱必以苦加括萋實以通胸中之鬱熱若渴者津液不足半夏味辛性燥滲津液物也去之則津液易生人參味甘而潤括萋根味苦而堅堅潤相合津液生而渴自已邪氣入裏裏氣不足則壅寒而腹中痛黃芩苦寒而寒中去之則氣易和芍藥酸泄而利中加之則裏氣得

通而痛自巳內經曰甘者令人中滿大棗甘溫去之
則鞭滿散鹹以硬牡蠣味酸鹹寒加之則痞者消
而鞭者更若心下悸小便不利水畜而不行也內經
曰腎欲堅急食苦以堅之堅腎則水益堅黃芩苦寒
去之則畜水浸行內經曰淡味滲泄為陽茯苓甘淡
加之則津液通流若不渴外有微熱不渴則津液足
去人參以人參為主內之物也外有微熱則表證多
加桂枝以取汗發散表邪也若咳者肺氣逆也甘補
中則氣愈逆故去人參大棗之甘肺欲收急食酸以
收之氣逆不收故加五味子之酸蓋咳本於寒寒氣

內溢則散以乾薑之辛熱生薑乾薑二物也生者溫
乾者熱故以乾易生也

吳或問小柴胡湯近世治傷寒發熱不分陰陽而用
之何也然柴胡之苦平乃足少陽經傷寒發熱之藥
半表半裏之熱除往來寒熱小有日晡潮熱也佐以
黃芩之苦寒以退熱半夏生薑之辛以退寒人參大
棗之甘溫以助正氣解渴生津液則陰陽和而邪氣
解矣但太陽經之表熱陽明經之標熱皆不能解也
如用之豈曰無害若夫冷陽寒面赤發熱脈沉足冷
者服之立至危殆可不慎哉及內虛有寒大便不實

脈息小弱與婦人新產發熱皆不可用也

凡柴胡湯病證而下之若柴胡證不罷者復與柴胡湯

必蒸蒸而振却發熱汗出而解成邪在半表半裏之間

醫便以藥下之若柴胡證仍在者雖下之不為逆可復

與柴胡湯以和解之得湯邪氣還表者外作蒸蒸而熱

先經下裏虛邪氣欲出內則振振然也傷寒中風有

柴胡證但見一證便是不必悉具柴胡證是邪氣在表

而不嘔或渴或腹中痛或脇下痞鞭或心下痞小使不

利或不渴身有微熱或欬但見一證便宜與柴胡湯隨

或為證以法治之不必待其證候全具也傷寒十餘日熱結在裏復往來寒熱者與大柴胡湯但

胸湯主之詳結胸

大柴胡湯方

柴胡 半斤

芍藥 各參兩

枳實 肆枚

半夏 半升

生薑 伍兩

黃芩

大棗 拾貳枚擘

右七味以水一斗二升煮取六升去滓再煎溫服一升日三服一方有大黃二兩 若不加太黃恐不為太柴胡湯也

成方有峻緩輕重醫當臨時斟酌如太滿大實堅有燥屎者非駛劑則不能泄是以有大小承氣湯之峻

也如不至大堅滿惟邪熱甚而須攻下者又非承氣湯之可投必也輕緩之劑乃大柴胡湯用以逐邪熱也經曰傷寒發熱七八日雖肌浮數可下之宜大柴胡湯又曰太陽病過經十餘日反二三下之後四五日柴胡證仍在者先與小柴胡嘔不止心下急鬱鬱微煩者為未解可與大柴胡下之則愈是知大柴胡為下劑之緩也傷寒主于可下則為熱有餘應入而歸心苦先入心折熱必以苦為主故以柴胡苦平微寒為君黃芩苦寒為臣內經曰酸苦湧泄為陰泄實折熱必以酸苦故以芍藥枳實為佐辛者散也散逆

氣者必以辛甘者緩也緩正氣者必以甘故用半夏生薑之辛溫大棗之甘溫為之使也一方加大黃以大黃有將軍之號而功專蕩滌必應以大黃為使許有人病傷寒心煩喜嘔往來寒熱醫以小柴胡與之不除予曰肌洪大而實熱結在裏小柴胡安能去之仲景云傷寒十餘日熱結在裏復往來寒熱者與大柴胡湯二服而病除蓋大黃蕩滌蘊熱傷寒中要藥王叔和云若不用大黃恐不名大柴胡須酒洗生用有力

張或問大柴胡若內煩裏實者固宜用也其嘔而下

傷寒論卷之九
利者亦用之何也夫治病節自虛實二者而已裏虛者雖便難而勿攻裏實者雖吐利而可下經曰汗多則便難脈遲尚未可攻以遲為不足即裏氣未實故也此以大柴胡主之凡吐利心腹濡軟為裏虛嘔吐而下利心下痞鞅者是裏實也下之當然况太陽病過經十餘日反二三下之後四五日柴胡證仍在者先以小柴胡湯嘔不止心下急鬱鬱微煩者為未解也與大柴胡湯下之則愈然嘔不止而微煩裏熱已甚結于胃中故下之則愈二節病證雖有參差其裏實同一機耳皆與大柴胡者宜也

傷寒五六日已發汗而復下之胃脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯主之已發汗而復下之雖不失先發後下之邪當自散若不待其全解及內實而復下之宜然既傷於早也烏得不結然已發汗則邪勢已衰雖或失之成註欠明故著之

柴胡桂枝乾薑湯方

柴胡 半斤

枳實 兩

桂枝 去麤皮 兩

牡蠣 煨

乾薑

黃芩 各兩

甘草 炙 兩

右七味以水一斗二升煮取六升去滓再煎取三升

溫服一升日三服初服微煩再服汗出便愈

成內經曰熱淫於內以苦寒之柴胡黃芩之苦以解
傳表之邪辛甘發散為陽桂枝甘草之辛甘以散在
表之邪鹹以輕之牡蠣之鹹以瀉胸脇之滿辛以潤
之乾薑之辛以固陽虛之汗津液不足而為渴苦以
取之括萋之
苦以生津液

病人脈微而濇者此為醫所病也大發其汗又數大下
之其人亡血病當惡寒後乃發熱無休止時夏月盛熱
欲着複衣冬月盛寒欲裸其身所以然者陽微則惡寒
陰弱則發熱此醫發其汗冷陽氣微又大下之冷陰氣
弱五月之時陽氣在表胃中虛冷以陽氣內微不能勝
冷故欲着複衣十一月之時陽氣在裏胃中煩熱以陰

氣內弱不能勝熱故裸其身又陰脈遲濇故知血亡也
右脈微因大發汗所致故病當惡寒之時雖盛夏亦
欲着複衣脈濇因大下所致故病當惡寒後發熱之
時雖盛冬亦欲裸其體是皆亡血陽微陰弱不能勝
冷勝熱非是盛夏牽延至盛冬也

脇滿痛

邪氣傳裏必先自胸而脇以次經心腹而入胃也是以
 胸滿多帶表證脇滿多帶半表半裏證如下後脈促胸
 滿者桂枝去芍藥湯又太陽與陽明合病喘而胸滿者
 不可下宜麻黃湯二者屬表須汗之蓋胸中至表猶近
 也及脇則更不言發汗但和解而已經曰設胸滿脇痛
 者及胸脇滿不去者與夫本太陽病不解傳入少陽脇
 下硬滿乾嘔往來寒熱脈沉緊者俱宜小柴胡和解之
 也大抵邪初入裏尚未停留為實但鬱積生滿者和解
 斯可矣若留于胸中聚而為實者又非吐下之不可已

如發汗若下之煩熱胸中窒者梔子豉湯若胸中痞硬
氣上衝咽喉不得息者此胸中有寒瓜蒂散二者均是
吐劑又當知梔子吐虛煩客熱瓜蒂吐痰實宿寒也
太陽病十日已去肌浮細而嗜臥者外已解也若胃滿
脇痛者與小柴胡湯肌浮者與麻黃湯傷寒四五日
身熱惡風頭項強脇下滿手足溫而渴者小柴胡去半
夏加人參栝藎根主之傷寒五六日中風往來寒熱
胸脇苦滿不欲飲食心煩喜嘔或胸中煩而不嘔或渴
或腹中滿或脇下痞鞭或心中悸小便不利或不渴身
有微熱或欬小柴胡湯主之傷寒十三日不解胃脇

滿而嘔日晡所發潮熱已而微利此本柴胡證下之而
不得利今反利者知醫以丸藥下之非其治也潮熱者
實也先宜小柴胡湯以解外後以柴胡加芒硝湯主之
得病六七日脉遲浮弱惡風寒手足溫醫數下之不
能食脇滿痛面目及身黃項強小便難者與柴胡湯必
下重傳經熱邪脇滿乾嘔大柴胡湯太陽中風下
利嘔逆表解者乃可攻之其人漉漉汗出發作有時頭
痛心下痞鞭滿引脇下痛乾嘔短氣汗出不惡寒者此
表解裏未和也宜十棗湯

十棗湯方

芫花 炒黑

甘遂

大戟 各等分

右為細末和合之再入白中杵一七三首下先以水一升煮肥棗十枚取五六合去香納藥末強人一錢虛人半錢單飲棗湯送下平日服若下少病不除者明日更服加五分利後米粥調養若合下不下令人脹滿徧身浮腫也昔杜壬問孫兆曰十棗湯畢竟治甚病孫曰治太陽中風表解裏未和杜曰何以知裏未和孫曰頭痛心下痞滿脇下痛乾嘔汗出此知裏未和也杜曰公但言病證而所以裏未和之故要緊總未言也孫曰其嘗於此未決願聽開喻杜曰裏未和

者蓋痰與燥氣壅於中焦故頭疼乾嘔短氣汗出是痰膈也非半棗不治但此湯不宜輕用恐損入於條忽用藥者慎之

陽明病潮熱大便溏小便自可胸脇滿不去者小柴胡湯主之 陽明病脇下鞅滿不大便而嘔舌上白胎者小柴胡湯 陽明中風脈弦浮大短氣腹都滿脇下及心痛久按之氣不通鼻乾不得汗嗜臥一身及目悉黃小便難有潮熱時時噦者小柴胡湯脈但浮無餘證者麻黃湯 本渴而飲水欲嘔者柴胡不可與也食穀者噦不欲飲水而嘔者柴胡證也 若因水而嘔者水停心下也

少陽脇滿乾嘔往來寒熱者屬少陽方論見往來寒熱

厥陰傷寒熱少厥微指頭寒默默不欲食煩躁數日小

便利色白者熱除也欲得食為病愈若厥而嘔胸脇煩

滿者必便血黃芩芍藥湯小柴胡湯抵當湯

吳綬治脇下痛加枳殼青皮桔梗芍藥脇下硬加牡

蠣粉若增寒拘急往來寒熱而胸脇滿者加桂枝白

芍藥俱小柴胡湯內加之

婦人發熱惡寒經水適來熱除脈遲身涼脇滿如結胸

狀譫語者刺期門論見方

吐下汗後脈微心下痞脇痛氣上衝咽眩冒脈動惕者

成痿論見

下後脈弦者必兩脇拘急

脇下素有痞

連在臍傍痛引少腹入陰筋者名藏結死左右者陰陽

部也宿痞在脇則陰陽之道路不通故邪不得傳經而直入于藏是以死也

胸滿論見前胸滿痛條
內兼脇病者已前見

胸滿論見前胸滿痛條 內兼脇病者已前見

太陽太陽與陽明合病喘而胸滿者不可下宜麻黃湯

陽受氣于胸中喘而胸滿者陽氣不宜發壅而逆也心下滿腹滿皆為實當下之此以為胸滿非裏實故不可下雖有陽明然與太陽合病為屬表是與麻黃湯發汗

中室者梔子豉湯陽受氣于胸中發汗若下使陽氣不而胸中窒塞與梔子豉湯以吐胸中之邪病如桂枝證頭不痛項不強寸

脈微浮胸中痞鞅氣上衝咽喉不得息者此為胸有寒

也當吐之宜瓜蒂散病如桂枝證為發熱汗出惡風言若在表也頭痛項強為桂枝證具

若頭項不痛強則邪不在表而傳裏也浮為在表沉為在裏今寸脈微浮則邪不在表而傳裏也寸脈沉為在裏今寸脈微浮則邪不在表而傳裏也寸脈沉為在裏今寸脈微浮則邪不在表而傳裏也

中與表相應故知邪在胸中者猶如桂枝證而寸脈微浮也以胸中痞鞅上衝咽喉不得息知寒邪客于胸中

傷寒論卷之六

六十八

而不在表也千金曰浮上部填塞胸中邪氣不上衝則不可用也則愈與瓜蒂散以吐胸中之邪若氣不上衝則不可用也

太陽病下之肌促胸滿者桂枝去芍藥湯方論見惡寒

若肌促不結胸者欲解也下後胸滿小便不利若兼煩驚譫語身重不可轉側者柴胡加龍骨牡蠣湯論

陽明潮熱大便溏小便可胸脇滿屬陽明見脇滿

少陽中風兩耳無所聞目赤胸中滿而煩者若吐下之

則悸而驚救逆小柴胡去黃芩加茯苓湯少陽之脈起于目眦走于耳中其支者下胸中貫膈風傷氣風則為熱少陽中風氣壅而熱故耳聾目赤胸滿而煩邪在少陽為半表半裏以吐除煩吐則傷氣氣虛者悸以下除滿下則亡血血虛者驚

太陰太陰之為病腹滿而吐食不下自利益甚時腹自

痛若下之必胸下結鞭太陰為病陽邪傳裏也太陰之

不得降者嘔吐而食不下不得升者自利益甚時腹

自痛陰塞在內而為腹痛者則為常痛此陽邪于裏雖

痛而亦不常痛但時時腹自痛也若下之則陰邪留于

胸下為結鞭經曰病發于陰而反下之則作痞○瀉心

湯理中湯元不湯四逆湯○通活人第十入問中云大

陰者脾之經主胸膈脹愚嘗觀成氏明理論云胸中

至表猶近所以仲景云喘而胸滿者麻黃湯是屬表而

可汗者也又云胸脇滿者小柴胡湯屬半表半裏而可

和解者也至于太陰止云腹滿而吐食不下時腹自痛

或腹滿而咽乾由此觀之可見太陰不主胸上者明矣

少陰病下利咽痛胸滿心煩者猪膚湯少陰之脈從腎

中則循喉嚨其支別者從肺出絡心注胸中邪自陽經

傳于少陰陰虛客熱下利咽痛胸滿心煩也與猪膚湯

調陰散熱咽痛五方大能解

厥陰病人手足厥冷脈乍緊者邪結在胸中心中滿而煩飢不能食者病在胸中當須吐之宜瓜蒂散手足厥冷者邪氣內陷也脈緊者為實邪氣入府則脈沉今脈乍緊知邪結在胸中為實故心下滿而煩胃中無邪則喜飢以病在胸中雖飢而不能食與瓜蒂散以吐之胸中之邪手足厥冷非脈緊胸痛別之熱少厥微胸脇煩滿一證已前見

吳胸滿多用吐法實者宜瓜蒂散虛者宜人參蘆或
以香蘇散飲下一甌以手探喉中吐之亦可凡傷寒
三四日已傳少陽經脈弦口苦發熱而胸滿宜小柴
胡湯若胸中滿悶者加枳殼桔梗各二錢以利之若
胸脇滿而煩者加瓜蒌實二錢黃連一錢半活人

治胸滿氣痞不寬只用枳殼桔梗各二錢生薑五片
名曰枳殼湯凡心之上胸之分宜枳殼心之下胃
之分宜枳實蓋枳殼能泄至高之氣枳實能泄至低
之氣其瓜蒌仁能瀉肺洗滌胸中痰垢之要藥也故
胸滿而煩必加之一法治氣痞胸滿用小麥麩一二
升以生枳殼切半同炒令熱去枳殼以帛包熱麩熨
胸中頓易熱之則氣易散而愈矣

胸滿 卷之三十一 一百一

胸痛

胸脇痛耳聾尺寸脈俱弦者少陽受病也論見大法活人云柴胡湯

主病胸中諸實胃中鬱鬱而痛不能食欲使人按之而反有涎唾下利十餘行其脈反遲寸口脈微滑此可吐之利則止

吐下後嘔嘔欲吐胃中痛大便溏腹滿而煩者宜調胃承氣湯詳方

[Faint bleed-through text from the reverse side of the page]

右六味以水四升煮取一升頓服之取汗愈肘後千金方陽毒升麻湯有桂無鼈甲陰毒甘草湯無雄黃

○附

活陽毒升麻湯治傷寒一二日便成陽毒或服藥吐下之後變成陽毒腰背痛煩悶不安面赤狂言奔走或見鬼或下利脈浮大數面赤斑斑如錦紋咽喉痛下膿血五日可治七日不可治

升麻

犀角鎊

射干

黃芩

人參

甘草

各等分

右咬咀水煎服食頃再服溫覆手足出汗解不解重

作

陽毒梔子湯

治陽毒傷寒發熱百節疼痛

升麻

黃芩

杏仁

石膏

各貳錢

梔子

赤芍藥

知母

大青

各壹錢

甘草

伍分

柴胡

壹錢半

右咬咀每服半兩薑五片豉百粒同煎

大黃散治陽毒傷寒未解熱在內恍惚如狂

大黃

壹兩

桂心

半

甘草

炙

芒硝

大腹皮

木通

各壹兩

桃仁

貳拾壹枚

右咬咀水煎服以利為度

海葛根散 治陽毒身熱如火頭痛躁渴咽喉乾痛

葛根 柒錢半 黃芩 醋炒 大黃

甘草 梔子 朴硝 各半兩

右咬咀水煎服

活黑奴丸 治時行病六七日未得汗脉洪大或數面

赤目痛身體太熱煩躁狂言欲走太渴甚又五六日

已上不解熱在胸中口噤不能言為壞傷寒醫所不

治或人精氣已竭心下尚煖撥開其口灌藥下咽即

活兼治陽毒及發斑

麻黃 去節泡 參兩 大黃 貳兩

黃芩 芒硝 竈突墨 研

泔上塵 小麥奴 各壹兩

右為末煉蜜丸如彈子大新汲水研下一丸陽毒與

冷水盡飲之須臾當寒寒竟汗出便瘥若無汗再服

一丸須微利效小麥奴即小麥未熟時叢中不成麥

檢之則黑勃是也此藥須是病人太渴倍常躁盛者

乃可與之若不渴者服之反為禍耳

水漬法

脉洪大內外結熱舌卷焦黑鼻中如烟煤以水漬布薄
之疊布數重新水漬之稍接去水搭於胸上須臾蒸熟
又漬冷如前薄之仍換新水數十易熟甚者置病人於

易與易

水中勢纔退則已亦一良法也

丹砂丸 治傷寒陰陽一毒危惡形證

舶上硫黃

水銀

太陰玄精石

太陽石各壹兩

硝石半兩

右為末用無油銚子以文武火炒上項藥令勻如灰色研極細生薑白熟泔浸炊餅丸如菘豆大每服五丸龍腦生薑蜜水下壓其躁也若陽毒棗湯下陰毒白湯下不許於屋底炒

白虎加人參名化斑湯

斑盛者青黛一物湯

咽痛

玄參升麻湯

青黛一物湯

青黛

如棗大壹塊

用新汲水研服

玄參升麻湯

升麻

玄參

甘草各半兩

水三盞煎一盞半去滓服

陶陽毒傷寒服藥不效斑爛皮膚手足皮俱脫身如塗硃眼珠如火躁渴欲死脉洪大而有力昏不知人宜三黃石膏湯主之或升麻梔子湯吐之若熱甚時狂時昏口噤咬牙藥不可下者用水漬法候牙寬狂亂稍定投藥亦良如黑奴丸不可輕用

活陽氣獨勝陰氣暴絕必發躁狂走妄言面赤咽痛發斑或下利赤黃肌洪實或滑促宜酸苦之藥救陰陽毒輕者桔梗大黃湯陽毒升麻湯梔子仁湯又龍膽草一物湯

趙陽根干陰陰根於陽無陽則陰無以化無陰則陽無以生可見兩者不能相無也又仲景云陽氣先絕陰氣後絕此人死身色必青陰氣前絕陽氣後竭此人死身色必赤則知陰陽二氣在人身中不可偏絕絕則無復生之理今活人書論陰毒而曰陽氣絕論陽毒而曰陰氣絕既絕矣是為不治之證又何藥焉

蓋陰陽二證之深重也又挾毒氣是為陰毒陽毒故其藥皆用升麻犀角雄黃大青輩以解其毒然後陽毒泄而陰氣復陰毒泄而陽氣復大汗出而解矣活人書何不曰陽氣極盛陰氣極微為陽毒陰氣極盛陽氣極微為陰毒庶不為極絕之證

傷寒證治準繩快之三

傷寒陽毒之證
 身發黃熱
 咽喉不利
 口燥舌乾
 渴飲不解
 脈洪大
 此陽毒也
 治以升麻湯
 升麻湯方
 升麻 黃芩 石膏 甘草 芍藥 大青 葶藶 杏仁 芒硝 枳實 厚朴 木香 丁香 藜蘆 麝香 蘇合 安息 乳香 沒藥 阿膠 龜板 鱉甲 虎骨 狗寶 熊膽 猴棗 鹿茸 麝香 蘇合 安息 乳香 沒藥 阿膠 龜板 鱉甲 虎骨 狗寶 熊膽 猴棗 鹿茸

